



3



六朝詩彙卷之一百七

慈谿張謙彙集

義烏王宗聖增彙

姑蘇陸師道校正

隋詩

煬帝

月夜觀星五言

團團素月淨  
悠悠夕景清  
谷泉驚暗石  
松風動夜聲  
披衣出荆戶  
躡履步山楹  
欣覩明堂亮  
喜見泰階平



紫參猶可識牛女尚分明更移斗柄轉夜久天河橫  
徘徊不能寐參差幾種情

元日獻歲宴宮臣

三元建上京六佾宴吳城朱庭容衛肅青天春氣明  
朝光動劔彩長階分珮聲酒闌鍾磬息忻觀禮樂成

賜酺

河洛稱朝市崑函實粵區周營曲阜作漢建奉春謨  
大君苞二代皇居盛兩都招搖正東指天駟乃西驅  
展軫齊玉軼式道耀金吾千門駐罕畢四達儼車徒

是節春光暮神臯華實敷皇情感時物睿思屬粉榆  
詔問百年老恩隆五日酺小人荷鎔鑄何由答大鑪

春江花月夜

暮江平不動春花滿正開流波將月去潮水帶星來

其二

夜露含花氣春潭漾月輝漢水逢遊女湘川值兩妃

喜春遊歌

禁苑百花新佳期遊上春輕身趙皇后歌曲李夫人

其二



步緩知無力，臉慢動餘嬌。錦袖淮南舞，寶袜楚宮腰。

禁衣百步晚春

洛陽春稍晚，四望滿春暉。楊葉行橫將暗，桃花落未

稀。窺簷燕爭入，穿林鳥亂飛。一作歸林唯當關塞者

溽露方沾衣。

暮山平夏日臨江

夏潭蔭脩竹，高岸坐長楓。日落滄江靜，雲散遠山空。

鷺飛林外白，蓮開水止紅。逍遙有餘興，悵望情不終。

吳道春季秋觀海

孟軻叙遊聖，枚垂說瘡疾。逖聽乃前聞，臨深驗茲日。

浮天迥無岸，合虛初學記固非一。委輸百谷歸，朝宗

萬川溢分空。一作碧霧晴連洲，彩雲密欣同。夫子觀

深愧玄虛筆。

悲秋

故年秋始去，今年秋復來。露濃山氣冷，風急蟬聲哀。

鳥擊初移樹，魚寒欲隱苔。斷霧時通日，殘雲尚作雷。

冬至乾陽殿受朝

北陸隆冬盛，南至晷漏長。端拱朝萬國，守文繼百王。



至德慚日用治道愧時康  
新邑建嵩岳雙闕臨洛陽  
圭景正八表道路均四方  
碧空霜華淨朱殿暖日光  
纓珮旣濟濟鍾鼓何鏗鏗  
文戟翊高殿采晁分脩廊  
元首之明指股肱責賢良  
舟楫佇有寄庶此王化昌

冬夜

不覺歲將盡已復入長安  
日影含冰凍風聲淒夜寒  
江海波濤壯嶠潼阪險難  
無因寄飛翼徒欲動和鑾

宴東堂

雨罷春光潤日落暝霞輝  
海榴舒欲盡山櫻開未飛

清音出歌扇浮香飄舞衣  
翠帳全臨戶金屏半隱扉  
風花意無極芳樹曉禽歸

雲中受突厥主朝宴席賦

鹿塞鳴旗駐龍庭翠輦回  
氊帷望風舉穹廬向日開  
呼韓頽顙至屠耆接踵來  
索辮擎氊肉韋韝獻酒杯  
何如漢天子空上單于臺

賜尚書牛弘

晉朝山吏部魏世盧尚書  
莫言先哲異奇才並佐予  
學行敦時俗道素乃冲虛  
納言雲閣上禮儀皇運初



葵倫欣有叙垂拱事端居

賜守宮女

我夢江都好征遼亦偶然但存顏色在離別只經年

賜張麗華

見面無多事聞名爾許時坐來生百媚實箇好相知

臨渭源

西征乃屆此山路亦悠悠地幹紀靈異洞穴吐洪流  
濫觴何足擬浮槎難可儔驚波鳴澗石澄岸瀉巖樓  
滔滔下火縣森森肆神州長林嘯白獸雲徑想青牛

塵歸花葉散日舉煙霧收直爲求人隱非窮輒迹遊

早渡淮

平淮旣淼淼曉霧復霏霏淮甸未分色泱泱共晨暉  
晴霧轉孤嶼錦帆出長圻潮魚時躍浪沙禽鳴欲飛  
會待高秋晚愁因逝水歸

望海

碧海雖欣矚金臺空有聞遠水翻如岸遙山倒似雲  
斷濤還共合連浪或時分馴鷗舊可狎卉木足爲群  
方知小姑射誰復語臨汾



還京師

東都儀禮舉西京冠蓋歸是月春之季花柳相依依  
雲蹕清馳道雕輦御晨暉嘹亮鏡笳奏歲粧旌旆飛  
後乘趨文雅前驅勵武威

步虛詞

總轡行無極相推凌大虛翠霞承鳳輦碧霧翼龍輿  
輕舉金臺上高會玉林墟朝遊度圓海夕宴下方諸

又

洞夜疑玄液靈山體自然俯臨滄海島回出大羅天

八行分寶樹十丈散芳蓮懸居燭日月天步役風煙  
躡記書金簡乘空誦玉篇冠法二儀立佩帶五星連  
瓊軒解甘露瑜井挹膏泉南巢息雲馬東海戲桑田  
回旗遊八極飛輪入九玄高蹈虛無外天地乃齊年  
題迷樓東柱

黯黯愁侵骨綿綿病欲成須知潘岳鬢強半爲多情  
不信長相憶絲從髮裡生閑來倚樓立相望幾含情  
北鄉古松樹

古松惟一樹森竦詎成林獨留塵尾影猶橫偃蓋陰



雲來聚雲色風度雜風音孤生小庭裡尚表歲寒心  
持楫篇貽吳絳仙

舊曲歌桃葉新粧艷落梅將身倚輕楫知是渡江來  
錦石擣流黃二首

漢使出燕然愁閨夜不眠易製殘燈下鳴砧秋月前

又

今夜長城下雪昏月應暗誰見倡樓前心悲不成慘

詠鷹

遷朔欲之衡忽投尉羅裡既以羈華彩仍持獻君子

青骹固絕儔素羽誠難擬深目表茲稱潤臆斯爲美  
驚獸不及奔猜禽無暇起雖蒙鞫註榮無復凌霄志  
飲馬長城窟行

肅肅秋風起悠悠行萬里萬里何所行橫漠築長城  
豈台小子智先聖之所營樹茲萬世策安此億兆生  
詎敢憚焦思高枕於上京北河秉武節千里卷戎旌  
山川互出沒原野窮超忽挺金止行陣鳴鼓與士卒  
千乘萬騎動飲馬長城窟秋昏塞外雲霧暗關山月  
綠巖驛馬上乘空烽火發借問長安候單于入朝謁



濁氣靜天山，晨光照高闕。釋兵仍振旅，要荒事方舉。  
飲至告言旋，功歸清廟前。  
江都宮樂歌七言  
揚州舊處可淹留，臺榭高明復好遊。風亭芳樹迎早  
夏，長臯麥隴送餘秋。淶潭桂楫浮青雀，果下金鞍躍  
紫騮。綠觴素蟻流霞飲，長袖清歌樂戲州。  
紫騮

四時白紵歌東宮春

洛陽城邊朝日暉，天淵池前春鷺歸。含露桃花開未  
飛，臨風楊柳自依依。小苑花紅洛水綠，清歌宛轉繁

弦促，長袖逶迤動珠玉。千年萬歲陽春曲。

江都夏

梅黃雨細麥秋輕，楓樹蕭蕭江水平。飛樓綺觀軒若  
驚，花簾羅帷當夏清。菱潭落日雙鳧舫，綠水紅妝兩  
搖漾。還似浮桑碧海上，誰肯空歌採蓮唱。

泛龍舟

舳艫千里泛歸舟，言旋舊鎮下揚州。借問揚州在何  
處，淮南江北海西頭。六轡聊停御百丈，暫罷開山歌  
棹謳。詎似江東掌間地，獨自稱言鑑裏遊。



紀遼東雜體

遼東海北翦長鯨風雲萬里清方當銷鋒散馬牛旋  
師實鎬京前歌後舞振軍威飲至解戎衣判不徒行  
萬里去空道五原歸

又

乘旄仗節定遼東俘馘變夷風清歌凱捷九都水歸  
宴維陽宮策功行賞不淹留全軍藉智謀詎似南宮  
複道上先封雍齒侯

江陵女曲

雨從天上落水從橋下流拾得娘裙帶同心結兩頭

越王

京洛行

青春上陽月結伴戲京華龍媒玉珂馬鳳軫繡香車  
水映臨橋樹風吹夾路花日昏歡宴罷相將歸狹斜

六朝詩彙卷之一百七

六朝詩彙卷之一百七

九



六朝詩彙卷之一百八

隋詩

園丘歌

仁壽元年詔牛弘柳顧言許善心虞世基蔡

徵等撰

萬國承風昭夏三言

肅祭典協良辰具嘉薦俟皇臻禮方成樂已變感靈  
心迴天睠闕華闕下乾宮乘精氣御祥風望燿火通  
田燭膺介圭受瑄玉神之臨慶陰陰烟衢洞宸路深



善旣福德斯輔流鴻祚徧區宇  
於穆我后昭明有融道濟區域功格玄穹百神警衛  
萬國承風仁深德厚信洽義豐明發思政勤憂在躬  
鴻基惟永福祚長隆

登歌

德深禮大道高饗穆就陽斯恭陟配惟肅血膾升氣  
冕裘標服誠感青玄信陳史祝祗承靈覲載膺多福

六神詩

厚禋崇祀大報尊靈因高就敬掃地推誠六宗隨兆  
五緯陪營雲和發韻孤竹揚清我粢旣潔我酌惟明  
五神是鑒百祿來成

文舞

皇矣上帝受命自天睿圖作極文教遐宣四方監觀  
萬國陶甄有苗斯格無得稱焉天地之經和樂具舉  
休徵咸萃要荒式序正位履端秋霜春雨

需夏

禮以恭事薦以饗時載清玄酒修潔蕝箕迴旒分爵



思媚軒墀惠均撤俎祥降受釐十倫以具百福斯滋  
克昌厥德永祚鴻基

武舞

御曆應期乘乾表則成功戡亂順時經國兵暢五材  
武弘七德憬彼遐裔化行充塞三道備舉二儀交泰  
情發自中義均莫大祀敬恭肅鍾鼓繁會萬國斯歡  
兆民斯賴享茲介福康哉元首惠我無疆天長地久  
昭夏三言

享序洽祀禮施神之駕嚴將馳奔精驅長離耀牲烟  
達潔誠照騰日馭鼓電鞭辭下土升上玄瞻寥廓杳  
無際澹群心留餘惠

五郊歌

角音

震宮初動木德惟仁龍精戒旦鳥曆司春陽光煦物  
溫風先導巖處載驚膏田已冒犧牲豐潔金石和聲  
懷柔備禮明德惟馨

徵音

長嬴開序炎上為德執禮司衡持衡御國重離得位



芒種在時含櫻薦實木槿垂蕤慶賞既行高明可處  
順時立祭事昭福舉

宮音

爰稼作土順位稱坤孕金成德履良為尊黃本內色  
宮實聲始萬物資生四時咸紀靈壇汎掃威樂高張  
威儀孔備福履無疆

商音

西成肇節盛德在秋三農稍已九穀行收金氣肅殺  
商威颺戾嚴風鼓莖繁霜隕蒂厲兵詰暴敕法慎刑

明神降嘏國步惟寧

羽音

玄英啓候冥陵初起虹藏於天雉化於水巖關重閉  
星迴日窮黃鍾動律廣莫生風玄樽示本天產惟質  
恩覃外區福流京室

未聞  
感帝歌

誠夏

禘祖垂典郊天有章以春之孟於國之陽繭栗惟誠  
陶匏斯尚人神接禮明幽交暢火靈降祚火曆載隆



丞哉帝道赫矣皇風  
雲祭歌

誠夏七言

朱明啓候時載陽肅若舊典延五方嘉薦以陳盛樂  
奏氣序和平資靈祐公田旣雨私亦濡民殷俗富政  
化敷

蜡祭歌

誠夏

四方有祀八蜡酬功收藏旣畢榛葛送終使之必報

祭之斯索三時告勞一日爲澤神祇必來鱗羽咸致  
惟義之盡惟仁之至年成物阜罷役息民皇恩已洽  
靈慶無垠

朝日夕月歌

朝日誠夏五言

扶木上朝墩崕山沈暮景寒來遊畧促暑至馳輝永  
時和合璧耀俗泰重輪明執圭盡昭事服冕罄虔誠

夕月誠夏

澄輝燭地域流曜鏡天儀曆草隨絃長珠胎遂望虧



成形表蟾兔竊藥資王母西郊禮既成幽壇福惟厚

方丘歌

柔功暢陰德昭陳瘞典威玄郊篚纂清管鬯馥皇情  
虔具寮肅笙頌合鼓鼗會出桂旌屯孔蓋敬如在肅  
有承神胥樂慶福膺

登歌

道惟生育器乃包藏報功稱範殷薦有常六瑚已饋  
五齊流香貴誠尚質敬洽義章神祚惟永帝業增

誠夏

厚載垂德崑丘主神陰壇言禮北至良辰鑒水呈潔  
牲粟表純樽壺夕啓幣玉朝陳群望咸秩精靈畢臻  
祚流於國祉被於人

昭夏三言

奠既徹獻已周竦靈駕逝遠遊洞四極帀九縣慶方  
流祉恒遍埋玉氣掩牲芬晰神理顯國文

神州歌

誠夏



四海之內一和之壤地曰神州物賴生長咸池既降  
泰折斯饗牲牲尚黑珪玉寔兩九寓載寧神功克廣  
社稷歌  
春祈社誠夏  
厚地開靈方壇崇祀達以風露樹之松梓勾萌既申  
芟柞伊始恭祈粢盛載膺休祉

春社稷誠夏

粒食興教播厥有先尊神致潔報本惟虔瞻榆束耒  
望杏開田方憑戩福佇詠豐年

秋報社誠夏

北墉申禮單出表誠豐穰入薦華樂在庭原隰既平  
泉流又清如雲已望高廩斯盈

秋報稷誠夏

民天務急農亦勤止或藜或蔗惟豐惟芑涼風戒時  
歲云秋矣物成則報功施必祀

先農歌

農祥晨晰土膏初起春原俶載青壇致祀歛蹕長阡

誠夏



迴旌外墳房俎飾薦山罍沈滓親事朱絃躬持黛耜  
恭神務稽受禧降祉

先聖先師歌

誠夏

經國立訓學重教先三墳肇冊五典留篇開鑿理著  
陶鑄功宣東膠西序春誦夏弦芳塵載仰祀典無騫

太廟歌

文帝開皇中詔牛弘姚察許善心虞世基劉  
臻等撰

迎神歌四言

務本興教尊神體國霜露感心享祀陳則官聯式序  
奔走在庭几筵結慕裸獻惟誠嘉樂載合神其降止  
永言保之錫以繁祉

登歌

孝熙嚴祖師象敬宗惟皇肅肅有來雍雍雕梁霞複  
綉椽雲重觀德自感奉璋伊恭彛學盡飾羽綴有容  
升歌登藻景福來從

俎入歌



祭本用初祀由功舉駿奔咸會供神有序明酌盈樽  
豐犧實俎幽全旣薦績錯維旅享由明德香非稷黍  
載流嘉慶克固鴻緒

太原府君歌

締基發祥肇源興慶迺仁迺哲克明克令庸宣國圖  
善流人詠開我皇業七百同盛

康王歌

皇條俊茂帝系靈長豐功疊軌厚利重光福由善積  
代以德彰嚴恭盡禮永錫無疆

獻王歌

盛才必達丕基增舊涉渭同符遷邠等構弘風邁德  
義高道富神鑒孔昭王猷克懋

太祖歌

深仁冥著至道潛敷皇矣太祖耀名天衢翦商隆祚  
奄宅隋區有命旣集誕開靈符

飲福酒歌

神道正直祀事有融肅雍備禮莊敬在躬羞燔已具  
奠酌將終降祥惟永受福無窮



送神歌三言

饗禮具利事成佇旒冕肅簪纓金奏終玉俎撤盡孝  
敬窮嚴潔人祇分哀樂半降景福憑幽贊

元會大饗歌

皇夏

深哉皇度粹矣天儀司陞整蹕式道先馳八屯霧擁  
七萃雲披退揚進揖步矩行規句陳乍轉華蓋徐移  
羽旗照耀珪組陸離居高念下處安思危照臨有度  
紀律無虧

肆夏

惟熙帝載式固王猷體乾建本是月孟候馳道美漢  
寢門稱周德心旣廣道業推優傳保斯導賢才與遊  
瑜玉發響畫輪停輶皇基方峻七鬯恒休

食舉歌八首七言

燔黍設教禮之始五味相資火爲紀平心和德在甘  
旨牢羞旣陳鍾石俟以斯而御揚威軌  
養身必敬禮食昭時和歲阜庶物饒鹽梅旣濟鼎鉉  
調特以膚腊加臛臠威儀濟濟懋皇朝



養人進羞樂侑作川潛之膾雲飛臙甘酸有宜芬勺  
藥金敦玉豆盛交錯御鼓既聲安以樂

玉食惟后膳必珍芳菰既潔重秬新是能安體又調  
神荆包畢至海貢陳用之有節德無垠

嘉羞入饋猶化謐沃土名滋帝臺實陽華之菜雕陵  
栗鼎俎芬芳豆邊溢通幽致遠車書一

道高物備食多方山膚既善水豢良桓蒲在位箕業  
張加邊折俎爛成行恩風下濟道化光

禮以安國仁為政具物必陳饗牢盛置罍斤斧順時

令懷生熙熙皆得性於茲宴喜流嘉慶

皇道四達禮樂成臨朝日舉表時平甘芳既飫醕以  
清揚休玉卮正性情隆我帝載永明明

上壽歌雜體

俗已乂時又良朝玉帛會衣裳基同北辰久壽與南  
山長黎元鼓腹樂未央

宴群臣歌

皇明馭歷仁深海縣載擇良辰式陳高宴顒顒卿士  
昂昂侯甸車旗煜爚衣纓葱蒨樂正展懸司空飾殿



三揖稱禮九賓爲傳圓鼎臨碑方壺在面鹿鳴成曲  
嘉魚入薦筐篚相輝獻酬交徧飲和飽德恩風長扇  
至順垂典正內弘風母儀萬國訓範六宮求賢啓化  
進善宣功家邦載序道業斯融

皇后房內歌

太射登歌

道謚金科照時乂玉條明優賢饗禮洽選德射儀成  
鸞旗鬱雲動寶軼儼天行巾車整三乏司裘飾五正  
鳴球響高殿華鍾震廣庭烏號傳昔美淇衛著前名

揖讓皆時傑升降盡朝英附枝觀體定杯水覩心平  
豐觚旣來去燔炙復縱橫欣看禮樂盛喜遇黃河清

凱樂歌辭

述帝德

於穆我后睿哲文明膺天之命載育群生開元創曆  
邁德垂聲朝宗萬寓祇事百靈煥乎王道昭哉帝則  
惠政旁流仁風四塞淮海未濱江湖背德運籌必勝  
有征斯克八荒霧卷四表雲褰雄圖盛略邁後光前  
寰區已泰福祚方延長歌凱樂天子萬年



述諸軍用命

帝德遠覃天維宏布功高雲天聲隆韶護惟彼海隅  
未從王度皇赫斯怒元戎啓路桓桓猛將赳赳英謨  
攻如燎髮戰似摧枯救茲塗炭克從妖逋塵清兩越  
氣靜三吳鯨鯢已夷封疆在闢班馬蕭蕭歸旌奕奕  
雲臺表效司勛紀績業並山河道固金石

述天下太平

阪泉軒德丹浦堯勲始實以武終乃以文嘉樂聖主  
大哉爲君出師命將廓定重氛書軌旣并于戈是戢

弘風設教政成人立禮樂聿興衣裳載緝風雲自美  
嘉祥爰集皇皇聖政穆穆神猷牢籠虞夏度越姬劉  
日月比耀天地同休永清四海長帝九州

文武舞歌

文舞歌

天睠有屬后德惟明君臨萬寓昭事百靈濯以江漢  
樹之風聲罄地畢歸窮天皆至六戎行朔八蠻請吏  
煙雲獻彩龜龍表異緝和禮樂燮理陰陽功由舞見  
德以歌彰兩儀同大日月齊光



武舞歌

惟皇御寓惟帝乘乾五材並用七德兼宣平暴夷險  
拯溺救燔九域載安兆庶斯賴續地之厚補天之大  
聲隆有截化覃無外鼓鍾既奮干戚攸陳功高德厚  
政謚化淳鴻休永播久而彌新

牛弘

奉和冬至乾陽殿受朝應詔

恭已臨萬寓宸居馭八埏作貢菁茅集來朝圭幣連  
司儀三揖盛掌禮九賓虔重欄映如壁複殿繞非烟

六朝詩彙卷之一百八



六朝詩彙卷之一百九

隋詩

虞世基

接北使 五言

會玉二嶠至瑞節三秦歸林蟬踈欲盡江鴈斷還飛

墻垣崇客館旌蓋入王畿共此敦封值方欣篤一作當薦

紵衣

出塞

窮秋塞草腓塞外胡塵飛徵兵廣武至候騎陰山歸



廟堂千里策將軍百戰威轅門臨玉帳大旆指金微  
摧朽無勅敵應變有先機銜枚壓曉陣卷甲解朝圍  
瀚海波瀾靜王庭氛霧晞鼓鼙嚴朔氣原野曠寒暉  
勲庸震邊服歌吹入京畿待拜長平坂鳴騶入禮闈

又

上將三畧遠元戎九命尊緬懷古人節思酬明主恩  
山西多勇氣塞北有遊魂楊俘度隴坂勒騎上平原  
誓將絕沙漠悠然去玉門輕齎不遑含驚策鸞戎軒  
慄慄邊風急蕭蕭征馬煩雪暗天山道冰塞交河源

霧烽黯無色霜旗凍不翻耿介倚長劍日落風塵昏

秋日贈王中舍

秦關望吳苑渭涘去江濱天漢星躔絕山川地角分  
百年變朝市千里異風雲雙鴛難可贈別鶴不相聞  
忽值從遊士玳簪光素履懽言悅鄭郊雨泣別燕市  
契濶論談笑殷勤訪生死思君在一方無由同四美  
尺素乃雲披投瓊慰久離雲開褥錦散霞照綠緹披  
相思歎河廣相去阻天垂贈言方杜若握手代萱枝  
伊昔風期早金蘭信爲寶去來金馬門留連鬪鷄道



鷲嶺訪三禪  
商山追四皓  
勝地俱遊息  
披文遞論討  
虛薄忝官聯  
喬木遂同遷  
濯纓升博望  
濶步入崇賢  
高軒照流水  
長劍聳秋蓮  
南風忽不競  
東海遂成田  
喧喧狹斜路  
隱隱平陵樹  
鳳闕曖西臨  
星橋耿南注  
五方多異俗  
四海皆行路  
士衡嗟苦辛  
德璉傷流寓  
鞏洛重行行  
寓目盡傷情  
太行臨北絳  
函谷距西京  
雀書圖久滅  
龍文鼎遂輕  
凌雲餘構盡  
濛汜曲池傾  
徘徊殊未極  
惆悵空雲纓  
伊川忽會面  
留連展言宴  
東西一背飛  
翻然成異縣  
哀哉人道促  
痛矣嗟埋玉

嵇生顧影琴  
裴子飄風燭  
懽茲激水意  
頓此浮雲足  
棄置勿重陳  
難終惟此曲  
漢陽趙元淑  
薛縣雍門周  
清文寧解病  
妙曲反增愁  
翳翳神逾伏  
慄慄歲方遒  
雙嶠飛暗雨  
八水凍寒流  
蘭枯芳草歇  
槐古憶前秋  
江干不可望  
徒此嘆離憂

奉和幸江都應制

南國行周化  
嵇山秘夏圖  
百王豈殊軌  
千載協前謨  
肆覲遵時豫  
順動悅來蘇  
安流進畫舸  
戒道翼金吾  
龍旂煥辰象  
鳳吹溢川塗  
封唐昔敷錫  
分陝被荆吳



沐道咸知讓慕義久成都冬律初飛管陽鳥正銜蘆  
嚴飈肅林薄暖景澹江湖鴻私浹幽遠厚澤潤凋枯  
虞琴起歌咏漢筑動巴歛多幸霑行葦無庸類散樗

又

巡遊光帝典征古乃先天澤國翔宸駕水府泛樓船  
七葦縈長薄三翼亘通川夙興大昕始求衣昧旦前  
澄瀾浮曉色遙林卷宿烟晨霞稍合景落日漸虧弦  
迴塘響歌吹極浦望旌旃方陪覲東后登封禪肅然

初渡江

歛策暫迴首掩睇望江濱無復東風氣空隨西北雲

晚飛鳥

向日晚飛低飛飛未得棲當為歸林遠恒一作長當侵

夜啼

賦得戲燕俱宿七言

大厦初搆與雲齊歸燕雙入正銜泥欲繞歌梁自舞  
閣偶為仙履往關閨千里爭飛會難並聊向吳宮比  
翼飛

盧思道



春夕經行留侯墓 五言

少小期黃石晚年遊赤松應成羽人去何忽掩高封  
踈蕪枕絕野邈迤帶斜峯墳荒隧草沒碑碎石苔濃  
徂秦懷猛氣師漢挺柔容盛烈芳千祀深泉閉九重  
夕風吟宰樹遲光落下春徒令懷古客揮涕獨無蹤

上巳禊飲

山泉好風景城市厭囂塵聊持一樽酒共尋千里春  
餘光下幽桂夕吹舞青蘋何時出關後重有入林人

夜聞隣妓 一作蕭琳

倡樓對三道吹臺臨九重笙隨山上鶴笛奏水中龍  
怨歌聲易斷妙舞態難逢誰能暫留客解佩一相從

駕出園丘

開年簡時日上辛稱天吉平曉禁門開隱隱乘輿出  
乘輿出九重金根御六龍章移千乘動旆舉百神從  
黃麾引朱節靈鼓應華鍾神歌已相續神光復相燭  
風中颺紫煙壇上埋蒼玉

遊梁城

揚鑣歷汴浦迴扈入梁墟漢藩文雅地清塵暖有餘



賓遊多任俠臺苑盛簪裾歎息徐公劍悲涼鄒子書  
亭皋落照盡原野泣寒初鳥散空城夕烟銷古樹踈  
東越嚴子陵西蜀馬相如脩名竊所慕長謠獨課虛  
城南隅讌  
城南氣初新才王邀故人輕盈雲映日流亂鳥啼春  
花飛北寺道絃散南漳濱舞動淮南袖歌揚齊后塵  
駢鑣歇夜馬接軫限歸輪公孫飲彌月平原讌浹旬  
即是消聲地何須遠避秦

神仙篇

浮生厭危促名岳共招携雲軒遊紫府風駟上丹梯  
時見遼東鶴屢聽淮南鷄玉英持作寶瓊實採成蹊  
飛策揚輕電懸旌耀彩蜺瑞銀光似燭靈石髓如泥  
寥廓鸞山右超越鳳洲西一丸應五色持此救人迷

美女篇

京洛多妖艷餘香愛物華恒臨鄧渠水共採鄴園花  
時搖五明扇聊駐七香車情踈看笑淺嬌深盼欲斜  
微津染長黛新溜濕輕紗莫言人未解隨君獨問家

升天行



尋師得道訣輕舉厭人群玉山候王母珠庭謁老君  
煎為返魂藥刻作長生文飛策乘流電彫軒曳白雲  
玄洲望不極赤野眺無垠金樓旦巉巖玉樹曉氛氲  
擁琴遙可望吹笙遠詎聞不學蜉蝣子生死何紛紛

權歌行

秋江見底清越女復傾城方舟共採摘最得可憐名  
落花流寶珥微吹動香纓帶垂連理濕擢舉木蘭輕  
順風一作避人傳細語因波寄遠情誰能結錦纜薄暮隱

長汀

長汀洲名在武昌共對雲神並紫竹林風聞士丹

日出東南隅行

初月正如鈎懸光入綺樓中有可憐妾如恨亦如羞  
深情出艷語密意滿橫眸楚腰寧且細孫眉本未愁  
青玉勿當取雙銀詎可一作肯留會待東方騎遙居寂  
上頭

君子有所思

長門與長信憂息並難任洞房明月下空庭綠草深  
怨歌裁潔一作純素能賦受黃金復聞隔湘水猶言限  
桂林悽悽日已暮誰見此時心



蜀國弦

西蜀稱天府由來擅沃饒雲浮玉壘夕日映錦城朝  
南尋九折路東上七星橋琴心若易解令客豈難要

河曲遊

鄴下盛風流河曲有名遊應徐託後乘車馬踐芳洲  
丰茸鷄樹密遙裔鶴烟稠日上疑高蓋雲起類重樓  
金羈自沃若蘭棹成夷猶懸匏動清吹采菱轉豔謳  
還珂響金埒歸袂拂銅溝唯畏三春晚勿言千載憂

採蓮曲

曲浦戲妖姬輕盈不自持擎荷愛圓水折藕弄長絲  
珮動裙風入妝銷粉汗滋菱歌惜不唱須待暝歸時

賦得珠簾

鑑帷明欲斂照檻色將晨可憐踈復密隱映當窓人  
浮清帶遠吹含光動細塵落花時屢拂會待玉階春

贈劉儀同西聘

開邛昔柔遠賓越盡招携豈若馳天使玉節撫遺黎  
五祠臨渭北雙嶺帶嶠西故關看金馬餘壇聽寶鷄  
垂絲被柳陌落錦覆桃蹊分袂俄易慘離思實難齎



極野雲峯合遙嶂日輪低塵暗前旌沒風長後騎嘶  
霸陵行可望函谷久無泥湏君勞施罷春草共萋萋

贈李若

初發清漳浦春草正萋萋今留素產曲夏木已成蹊  
塵起星橋外日落寶壇西庭空野烟合巢深夕羽迷  
短歌雖製素長吟當執珪寄語當窓婦非關惜馬啼

別司馬幼之南聘

故交忽千里輜車蒞遠盟幽人重離別握手送征行  
晚霞浮極浦落景照長亭拂霧揚龍節乘風遡鳥旌

楚山百重映吳江萬仞清夏雲樓閣起秋濤帷蓋生  
陸侯持寶劍終子繫長纓前脩亦何遠君其勗令名

彭城王挽歌詩

旭早禁門開隱隱靈輿發纔看鳳樓迥稍視龍山沒  
猶陳五營騎尚聚三河卒容衛儼未歸空山照秋月

從軍行七言

朔方烽火照甘泉長安飛將出祁連犀渠玉劍良家  
子白馬金羈俠少年平明偃月屯右地薄暮魚麗逐  
左賢谷中石虎經銜箭山上金人曾祭天天涯一去



無窮已薊門迢迢三千里朝見馬嶺黃沙合夕望龍  
城陣雲起庭中奇樹已堪攀塞外征人殊未還白雪  
初下天山外浮雲直向五原間關山萬里不可越誰  
能坐對芳菲月流水本自斷人腸堅冰舊來傷馬骨  
邊庭節物與華異冬霰秋霜春不歇長風蕭蕭渡水  
來歸鴈連連映天沒從軍行軍行萬里出龍庭單于  
渭橋今已拜將軍何處覓功名

聽鳴蟬

聽鳴蟬此聽悲無極群嘶玉樹裏迴噪金堤側長風

送晚聲清露供朝食晚風朝霞實多宜秋日高鳴獨  
見知輕身蔽數葉哀鳴抱一枝流斷罷還續酸傷合  
更離暫聽別人心即斷才聞客子淚先垂故鄉已超  
忽空庭正蕪沒一夕復一朝坐見涼秋月河流帶地  
從來嶮峭路干天不可越紅塵早敝陸生衣明鏡空  
悲潘掾髮長安城裏帝王州鳴鍾列鼎自相求西望  
漸臺臨太液東瞻甲觀距龍樓說客恒持小冠出越  
使常懷寶劍遊學仙未成便尚主尋源不見已封侯  
富貴功名本多豫繁華輕薄盡無憂詎念嫖姚嗟木



梗誰憶蘭單倦土牛歸去來青山下秋菊離離日堪  
把獨焚枯宴林野終成獨校子雲書何如還驅少遊  
馬

後園宴

常聞崑閬有神仙雲冠羽佩得長年秋夕風動三珠  
樹春朝露濕九芝田不如鄴城佳麗所玉樓銀閣與  
天連太液回波千丈映上林花樹百枝然流風續洛  
渚行雲在南楚可憐白水神可念青樓女便妍不羞  
澁妖艷工言語池苑正芳菲得戲不知歸媚眼臨歌

扇嬌香出舞衣纖腰如欲斷側髻似能飛南樓日已  
暮長簷鳥應度竹殿遙聞鳳管聲虹橋別有羊車路  
攜手傍花叢徐步入房櫳欲眠衣先解半醉臉逾紅  
日日相看轉難厭千嬌萬態不知窮欲知妾心無劇  
已明月流光滿帳中

辛德源

星名

邊侵昏南柳燿火照離宮明堂發三令鈎陳集五戎  
素羽麾全月牛旗引半虹虎落驚氛歛龍城宿霧通



擊鍾張大樂置酒宴群公關山無復阻車書方大同

霹靂引

出地聲初奮乘乾威更作雲銜天笑明雨帶星精落

碎枕神無擾震楹書自若側一作聞吟白虎遠見飛

玄鶴

成連

征夫從遠役歸望絕雲端箠笮城踰壞桑落梅初寒

雪夜然烽濕冰朝飲馬難寂寂長安信誰念客衣單

短歌行

馳射罷金溝戲笑上雲樓少妻鳴趙瑟侍妓嚙吳謳

杯度浮香滿扇舉細塵浮星河耿涼夜飛月豔新秋

忽念奔駒促彌欣執燭遊

白馬篇

任俠重芳辰相從競逐春金羈絡赭汗紫縷一作陌應

紅塵寶劍提一作橫三尺雕弓韜六鈞鳴珂蹀細柳飛

蓋出宜春遙見浮光一作雲發懸知上頭人

幽蘭

奏事傳青閣拂除乃陶嘉散條凝露彩含芳映日華



已知香若麝無怨直如麻不學芙蓉草空作眼中花  
芙蓉花

洛神挺凝素文君拂艷紅麗質徒相比鮮彩兩難同  
光臨照波日香隨出岸風涉江良自遠託意在無窮

浮遊花

窓中斜日照池上落花浮若畏春風晚當思秉燭遊

東飛伯勞歌 七言

合歡芳樹連理枝荆王神女乍相隨誰家妖豔蕩輕  
舟含嬌轉盼聘風流犀棹蘭橈翠羽蓋雲羅霧縠蓮

花帶女兒年幾十六七玉面新收映朝日落花從風  
俄度春空留可憐何處新

李德林

夏日 五言

夏日 景一作多煩暑 蒸一作山水暫追涼桐枝覆玉檻荷

葉滿銀塘輕扇搖明月珍簾拂流黃壺盛仙客酒瓶  
貯帝臺聚才人下銅雀侍妓出明光歌聲越齊市舞  
曲冠平陽微風動羅帶薄汗染紅粧共欣陪宴賞千  
秋樂未央



採樂未竟從駕巡道

大夏堯遺俗汾河漢豫游今隨龍駕往還屬鴈飛秋  
天行肅輦路日馭翼華輶朝乘六氣辨夕動七星旒  
谷靜禽多思風高松易秋遠林才有色遙水漫無流  
京華佳麗所目極與雲浮但覩凌霄觀詎見望仙樓  
鎖門皆秀發鴛池盡學優待君草封禪東山觀射牛

李從駕還京

至仁文教遠惟聖武功宣太師觀六義諸侯問百年  
玄覽時乘隙訓旅次山川鎮象屯休氣華蓋翼飛烟

鼓奏千人響旗動七星連峻嶺戈迴日高峰馬嘶天  
姑射神游罷簫關獵騎旋更待東山上看君巡狩篇

嵩山草木相逢狹路間

天衢號九經冠蓋恒縱橫忽逢懷刺客相尋欲逐名  
我住河陽浦開門望帝城金臺遠猶出玉觀夜恒明  
筵羞太官膳酒釀步兵營懸牀接高士隔帳授諸生  
流水琴前韻飛塵歌後輕太子難為弟中子難為兄  
小子輕財利實見陶朱情龍軒照人轉驥馬嗟天明  
人門俱有說至道勝金籬出門會親友天官奏德星



六朝詩彙卷之九  
大婦訓端木中婦訓劉靈小婦南山下擊缶和秦箏  
群賓莫有戲燈來告絕纓請神照入轉觀馬如天肥

登終南山擬古詩

初學記作胡師勉作

結廬終南山西北望帝京烟霧亂鳥道劣見長安城  
宮雉互相映雙闕雲間生鍾鼓沸閭闔笳管咽承明  
朱閣臨槐路紫蓋飛縱橫望望未極已甕牖秋風驚  
崑岫草木黃飛鴈遺寒聲隊葉積幽徑繁露垂荒庭  
甕中酒新熟澗谷寒虫鳴且對一壺酒安知世間名  
寄言市朝客同君樂太平

山

登嶺望重關腰佩且鳴環天河臨易飲月桂近將攀  
王母西山至夫人南岳還何必陽臺下要待夢容顏

詠松

結根生上苑擢秀邇華池歲寒無改色年長有倒枝  
露自金盤灑風從玉樹吹寄言謝霜雪貞心自不移

六朝詩彙卷之一百九







河朔涓涖九縣瓜分三方鼎峙狙詐不息干戈競起  
東夏雖平亂離瘼矣五運叶期千年肇自赫矣高祖  
人靈攸贊聖德迴生神謀獨斷瘴惡彰善夷凶靜難  
宗伯撰儀太史練日孤竹之管雲和之瑟展禮上玄  
飛烟太一珪璧朝會山川望秩占撥星景穆建邦畿  
下憑赤壤上叶紫薇布政衢室懸法象魏帝宅天府  
固本崇威凶河瀚海龍荒狼望種落陸落時犯亭障  
皇威遠攝帝德遐暢稽顙歸誠稱臣內向吳越提封  
斗牛星象積有年代自稱君長大風未繳長鯨漏網

授鉞天人豁然清蕩戴日戴斗太平太蒙禮教周被  
書軌大同復禹之跡成舜之功禮以安上樂以移風  
憂勞庶績矜育黔首三面解羅萬方引咎納民軌物  
驅時仁壽神化隆平生靈熙阜虔心恭已奉天事地  
協氣橫敷休徵紹至壇場望幸云亭虛位推而不居  
聖道彌粹齊符姬文登發嗣聖道類漢光傳莊寶命  
知來蔽往玄覽幽鏡鼎業靈長洪基隆盛崆峒問道  
汾射窅然御辯遐逝乘雲上仙哀纏率土痛感穹玄  
流澤萬葉用教百年尚想獻圖永惟聖則道洽幽顯



仁露動植文象不陳乾坤將息微臣作頌用申罔極  
人日思歸

入春纔七日離家已二年人歸落鴈後思發在花前  
梅夏應教

長廊連紫殿細雨應黃梅浮雲半空上清吹隔池來  
集鳳桐花散勝龜蓮葉開幸逢爲善樂頻降濟時才

夏晚

流火稍西傾夕影遍曾城高天澄遠色秋氣入蟬聲

秋日遊昆明池

灞陵因靜退靈沼暫徘徊新船木蘭檝舊宇豫章材  
荷心宜露泫竹徑重風來魚潛疑刻石沙暗似沉灰  
琴逢鶴子舞酒遇菊花開羈心與秋興陶然寄一盃  
歲窮應教

故年隨夜盡初春逐曉生方驗從軍樂飲至入西京  
從駕天池應詔

上聖家寰宇威畧振邊陲八維窮眺覽千里轉旌旗  
駕龜臨碧海控驥踐瑤池曲浦騰煙霧深浪駭鯨螭  
從駕幸晉陽



省方遵往冊游豫叶前經金吾朝戒道校尉晚巡營  
重巒下飛騎絕浦渡連旌澗水寒逾咽松風遠更清  
方觀翠華反簪筆上雲亭

奉和臨渭源應詔

玄功復禹迹至德去湯羅玉關亭障遠金方水石多  
八川滋一態萬里道長波驚流注陸海激浪象天河  
鸞旗歷巖谷龍穴暫經過西老陪游宴南風起詠歌  
庶品蒙仁澤生靈沐太和微臣惜暮景願駐魯陽戈

奉和月夜聽軍樂應詔

旌門臨古堞徼道度深隍月冷凝疑秋夜山寒落夏  
霜遙空澄暮色清景散餘光笳聲喧隴水鼓曲噪漁  
陽沈鬱興神思眺望發天章高岱終難學丘陵徒自  
強

敬酬楊僕射山齋獨坐

相望山河近相思朝夕勞龍門竹箭急華岳蓮花高  
岳高嶂重疊鳥道風烟接遙原樹若齊遠水舟如葉  
葉舟旦旦浮驚波夜夜流露寒洲渚白月冷函關秋  
秋夜清風發彈琴即鑑月雖非莊舄歌吟詠常思越



重酬楊僕射山齋

寂寂無與晤朝端去總戎空庭聊步月閑坐獨臨風  
臨風時太息步月山泉側朝朝散霞彩暮暮澄秋色  
秋色遍臯蘭霞彩落雲端吹旌朔氣冷照鑑日光寒  
光寒塞草平氣冷咽笳聲將軍獻凱入藹藹風雲生  
和許給事善心戲場轉韻

京洛重新年復屬月輪圓雲間壁獨轉空裡鏡孤懸  
萬方皆集會百戲盡來前臨衢車不絕夾道閭相連  
驚鴻出洛水翔鶴下伊川艷質迴風霜笙歌韻管弦

其二

佳麗儼成行相携入戲場衣類何平叔人同張子房  
高高城裡髻我我樓上粧羅裙飛孔雀綺席睡鴛鴦  
日映班姬扇風飄韓壽香

其三

竟夕魚負燈徹夜龍銜燭戲笑無窮已歌詠還相續  
羗笛隴頭吟胡舞龜茲曲假面飾金銀盛服搖珠玉  
其四

宵深戲未闌競為人所難卧驅飛玉勒立騎轉銀鞍



縱橫既躍劔揮霍復跳丸

其五

抑揚百獸舞盤跚五禽戲狡狴弄斑足巨象垂長鼻  
青羊跪復跳白馬迴旋騎忽覩羅浮起俄看鬱昌至  
峯嶺既崔嵬林叢亦青翠麋鹿下騰倚猴猿或蹲跂  
金徒列舊刻玉律動新灰甲萑垂陌柳殘花散苑梅  
繁星漸寥落斜月尚徘徊王孫猶勞戲公子未歸來  
共酌瓊酥酒同傾鸚鵡盃普天逢聖日兆庶喜康哉

其六

入郴江

伏節遵嚴會揚舲沂急流征途非白馬水勢類黃牛  
跳波鳴石蹟濺沫灘沙洲岸迴槎倒轉灘長船却浮  
緣崖頻斷挽掛壁屢移鈎還憶青絲騎東方來上頭

渡北河

連旌映淑浦疊鼓沸沙洲桃花長新浪竹箭下奔流  
塞雲臨運艦胡風入陣樓劔拔蛟將出驂驚龜欲浮  
鴈書終立效鸞相果封侯勿恨關河遠且寬邊地愁

展敬上鳳林寺



淨土連幽谷寶塔對危峰林栖丹穴鳳地邇白沙龍  
獨巖樓迥出複道閣相重洞開朝霧歛石濕曉雲濃  
亭篠低雲蓋風枝響和鍾簷陰翻細柳澗影落長松  
珠桂浮明月蓮座吐芙蓉隱淪徒有意心迹未相從

昔昔鹽

垂柳覆金堤蘼蕪葉復齊水溢芙蓉沼花飛桃李谿  
採桑秦氏女織錦竇家妻關山別蕩子風月守空閨  
恒歛千金笑長垂雙玉啼盤龍隨鏡隱彩鳳逐帷低  
魂同夜鵲倦寢憶晨鷄暗牖懸蛛網空梁落燕泥

前年過代北今歲往遼西一去無消息那能惜馬蹄

明君詞

我本良家子充選入椒庭不蒙女史進更無畫師情  
蛾眉非本質蟬鬢改真形專猶妾命薄誤使君恩輕  
啼落渭橋路歎別長安城今夜寒草宿明朝轉蓬征  
卻望關山迥前瞻沙漠平胡風帶秋月嘶馬雜笳聲  
毛裘易羅綺氎帳代帷屏自知道臉歇羞看菱鏡明  
釵落終應棄髻解不須縈何用單于重詎假闕氏名  
馱馱聊彊食桐酒未能傾心隨故鄉斷愁逐寒雲生



漢宮如有憶為視旄頭星

出塞

高秋白露團上將出長安塵沙塞下暗風月隴頭寒  
轉蓬隨馬足飛霜落劍端疑雲迷代郡流水凍桑乾  
烽微枯桿遠橋峻轆轤難從軍多惡少召募盡材官  
伏堤時卧鼓疑兵作解鞍柳城擒冒頓長坂納呼韓  
受降今更築燕然已重刊還嗤傳介子辛苦刺樓蘭

又

邊庭烽火驚插羽夜徵兵少昊騰金氣文昌動將星

長驅鞬汗北直指夫人城絕漠三秋暮窮陰萬里生  
寒夜哀笳曲霜天斷鴈聲連旗下鹿塞疊鼓向龍庭  
妖雲墜虜陣暈月遶胡營左賢皆頓顙單于已繫纓  
綫馬登玄闕鈎鯤臨北溟當知霍驃騎高第起西京

豫章行 七言

江南地遠接閩甌山東英妙屢經遊前瞻疊障千重  
阻却帶驚湍萬里流楓葉朝飛向京洛文魚夜過歷  
吳洲君行遠度茱萸嶺妾住長依明月樓樓中愁思  
不開嘖始復臨窓望早春鴛鴦水上萍初合鳴鶴園



中花併新空憶常時角枕處無復前日畫眉人照骨  
金環誰用許見瞻明鏡自生塵蕩子從來好留滯况  
復關山遠迢遞當學織女嫁牽牛莫作姮娥叛夫婿  
偏訝思君無限極欲罷欲忘還復憶願作王母三青  
鳥飛去飛來傳消息豐城雙劍昔曾離經年累月復  
相隨不畏將軍成久別只恐封侯心更移

詠苔紙

昔時應春色引綠泛清流今來承玉管布字改銀鈎

薛德普

悼亡

鳳樓簫曲斷桂帳瑟絃空畫梁纔照日銀燭已隨風  
苔生履跡處花沒鏡塵中唯餘長簾月永夜何朦朧

楊素

出塞

漠南胡未空漢將復臨戎飛狐出塞北碣石指遼東  
冠軍臨瀚海長平翼大風雲橫虎落陣氣抱龍城虹  
橫行萬里外胡運百年窮兵寢星芒落戰解月輪空  
嚴鑣息夜斗駢角罷鳴弓北風嘶朔馬胡霜切塞鴻



休明大道暨幽荒日用同方就長安邸來謁建章宮

又

漢虜未和親憂國不憂身握手河梁上窮涯北海濱  
據鞍獨懷古忼慨感良臣歷覽多舊迹風日慘愁人  
荒塞空千里孤城絕四隣樹寒偏易古草衰恒不春  
交河明月夜陰山苦霧辰鴈飛南入漢水流西咽秦  
風霜久行役河朔備艱辛薄暮邊聲起空飛胡騎塵

贈薛播州

在昔天地閉品物屬屯蒙和平替王道哀怨結人風

麟傷世已季龍戰道將窮亂海飛群

英華水一作亂  
作窮流飛海

若貫日引長虹干戈異革命揖讓非至公

其二

兩河定寶鼎八水域神州函關絕無路京洛化為丘  
漳滏爾連沼涇渭余別流生郊浦戎馬涉路起風牛  
班荆疑莫遇贈縞竟無由

其三

五緯連珠聚千載濁河清金亡潛虎質閨盡自蛙聲  
聖朝伊旦暮天祿啓炎精霧生三日重星飛五老輕



禋宗答上帝改物創群生

其四

道昏雖已朗政故猶未新  
剗舟洄水濟一作溟結網  
大川濱出遊迎釣叟入夢訪幽人  
植林雖各樹開榮  
豈異春相逢一時泰共幸百年身

其五

有帛賁丘園生芻自幽谷塵芳金馬路  
瀾清鳳池澳  
零露既垂光清風復流穆傾盖如舊知  
彈冠豈新沐  
利心金各斷芬香蘭共馥

其六

自余歷端揆緝熙慝時彥及爾陪帷幄  
出納先天睠  
高調發清音縟藻流余絢或如彼金石  
歲暮無凋變  
余松待爾心爾筠留我箭

其七

荏苒積歲時契濶同遊處閭闔既趨朝  
承明還宴語  
上林陪羽獵甘泉待清曙迎風含暑氣  
飛雨凄寒序  
相顧惜光陰留情共遙佇

其八



滔滔彼江漢實為南國紀作牧求明德若人應斯美  
高卧未褰帷飛聲已千里還望白雲天日暮秋風起  
峴山君儻遊淚落應無已

其九

漢陰政已成嶺表人猶蠹彈冠比方新還珠總如故  
楚人結去思越俗歌來暮陽鳥尚歸飛別鶴還迴顧  
君見南枝巢應思北風路

其十

北風吹故林秋風不可聽雁飛窮海寒鶴唳霜臯淨

舍毫心未傳聞音路猶夏唯有孤城月徘徊獨臨  
映弔影予自憐安知我疲病

其十一

養病願歸閑居榮在知足栖遲茂陵下優遊滄海曲  
故人情可見今人遵路躅荒居接野窮心物俱非俗  
桂樹方叢生山幽竟何欲

其十二

所欲棲一枝稟分豐諸已園樹避鳴蟬山梁遇時雉  
野陰冒叢灌幽氣含蘭芷悲哉暮秋別春草復萋矣



鳴琴入不聞屬聽空流水  
秋水魚遊日春樹鳥鳴時  
濠梁暮共往幽谷有相思  
千里悲無駕一見杳難期  
山河散瓊藥庭樹下丹滋  
物華不相待遲暮有餘悲  
銜悲向南浦寒色黯沉沉  
風起洞庭險烟生雲夢深  
獨飛時暮侶寡和乍孤音  
木落悲時暮時暮感離心  
離心多苦調詎假雍門琴

贈薛內史

耿耿不能寐京岑久離群  
橫琴還~~在~~林遂待君  
待君春草歇獨坐秋風發  
朝朝唯落花夜夜空明月  
明月徒流光落花空自芳  
別離望南浦相見在漢陽  
漢陽隔隴岑南浦達桂林  
山川雖未遠無因得寄音  
山齋獨坐贈薛內史  
居山四望阻風雪竟朝夕  
深溪橫古樹空岩卧幽石  
日出遠岫明鳥散空林寂  
蘭庭動幽氣竹室生虛白  
落花入戶飛細草當堦積  
桂酒徒盈樽故人不在席



薄暮山之幽臨風望羽客

日出雲岫又

巖壑澄清景景清巖壑深白雲飛暮色綠水激清音

澗戶散餘彩山窓凝宿陰花草共榮映樹石相陵臨

獨坐對陳榻無客有鳴琴寂寂幽山裏誰知無悶心

賀若弼

貽源雄

交河驃騎幙合浦伏波營勿使麒麟上無我二人名

魏彥深

初夏應詔

雖度芳春節物色尚餘華出簾飛小燕映戶落殘花

舞衫飄細縠歌扇掩輕紗蘭房本宜夜不畏日光斜

園樹有巢鵲戲以詠之

畏玉心常駭填河力已窮夜飛還繞樹朝鳴且向風

知來寧自伐識歲不論功早晚時應至輕舉一排空

賦得石榴

分根金谷裏移植廣庭中新枝含淺綠晚萼散輕紅

影入環階水香隨度隙風路遠無由寄徒念春闈空



詠堦前萱草  
綠草正含芳  
羅靡映前堂  
帶心花欲發  
依籠葉已長  
雲度時無影  
風來乍有香  
橫得忘憂號  
余憂遂不忘

孤桐

未求裁作瑟  
何用削成珪  
願寄華庭裏  
枝橫待鳳棲

六朝詩彙卷之一百十

六朝詩彙卷之一百十一

隋詩

柳顧言

奏和春日臨渭水應令

飲馬投錢岸  
解釣剖璜津  
風絲曳香餌  
覆杯懷昔人

三善殿夜望山燈

一作江搃

百花疑吐夜  
四照似含春  
的的連星出  
亭亭向月新  
採珠非合浦  
贈佩異江濱  
若任扶桑路  
堪言並日輪

奉和晚日揚子江應教



大江都會所長洲有舊名西流控岷蜀東泛邇蓬瀛  
未覩纖羅動先聽遠濤聲空濛雲色晦泱泱浪花生  
欲知暮雨歇當觀飛旆輕

渡黃河

崧山淪外域壘澤隱遐方兩源分際遠九道派流長  
未殫所聞見無待驗詞章留連嗟太史惆悵踐黎陽  
導波縈地脉疏氣耿天潢憫周沉用寶嘉晉肇爲梁  
詠死牛

一朝辭紉憶千里別黃河對衣徒下泣扣角詎聞歌

陽春歌

春鳥一轉有千聲春花一叢千種名旅人無語坐簷  
楹思鄉懷土志難平唯當文共酒暫與興相迎

許善心

神雀頌

太素式肇大德資生功玄不噐道要無名質文鼎革  
沿習因成祥圖瑞史赫赫明明天保大定於鑠我君  
武義廼武文教惟文橫塞宇宙旁凝射汾軒物重造  
姚風再薰煥發王策昭彰帝道御地七神飛天五老



山祗吐祕河靈孕寶黑羽升壇青鱗伏阜丹鳥流火  
白雉從風棲阿德邵鳴岐祚隆未如神爵近賀王宮  
五靈何有百福攸同孔圖獻赤荀文表白節節奇音  
行行瑞跡化玉轂宸銜環陞戟上天之命明神所格  
經應在旃伊臣預焉永緝韋素方流管絃頌歌不足  
蹈儻無宣臣拜稽首億萬斯年

從駕巡遊

大夏堯遺俗汾河漢豫遊今隨龍駕往還屬鴈飛秋  
天行肅輦路日馭翼華輶朝葉六氣辨夕動七星流

谷靜禽多思風高松易秋遠林才有色遙水漫無流  
京華佳麗所目極與雲浮但睹凌霄觀詎見望仙樓  
鑠門皆秀發鴛池盡學優侍君草封禪東山觀射牛

奉和還京師

重光闡帝圖肆覲荷來蘇卜洛連新邑因秦還舊都  
雷警三辰衛星陳七萃駟從風折鳳羽曜日拖魚鬚  
憲章殫禮樂容服備車徒迴鑿入艷鎬從蹕度粉榆  
冉冉年和變遲遲節物徂餘花照玉李細葉剪珪梧  
朝夕萬國湊海會百川輸微生逢大造倏忽改榮枯



於太常寺聽陳國蔡子元所校正聲樂

維陽成禮樂治定昔君臨克庭觀樹羽上帝仰撻金  
旣因鍾石變將誰河海沈湛露廢還序承風絕復尋  
袞章無舊迹韶夏有餘音澤竭英莖散人遺憂思深  
悲來未減瑟淚下正聞琴詎似文侯睡聊同微子吟  
鍾奏殊南北商聲異古今獨有延州聽應知亡國音

崔仲方

夜作巫山

荆門秋水急巫峽斷雲輕若爲教月夜長短聽猿聲

小山

崑丘本難陟軒臺不易朝還往麟洲上時聽鳳凰簫  
霞觀文犀簾香林碧玉條且學燒丹甌何假摘仙桃  
奉和周趙王詠石

玉繩隨月落金碑映日鮮入江疑濯錦出峽似開蓮  
文馬河西瑞兵符濟北篇會逐靈槎上還歸天漢邊  
于仲文

侍宴東宮應令

銅樓充震位銀榜集嘉賓青宮列紺幃紫陌結朱輪



絃調寶瑟曲歌動畫梁塵金卮傾斗酒瓊筵列八珍  
花驚度翠羽萍散躍頰鱗承恩叨並作扣寂繞陽春

答譙王

梧臺開廣宴竹苑列英賢景差方入楚樂毅始游燕  
折角揮談柄重席吐言泉武騎初擒翰文學正題鞭  
玉徽調綠綺壁散沉青田晚霞澹遠岫落景藻長川  
未陪東閣賞獨詠西園篇

孔德紹

觀太常奏新樂

大君膺寶曆出豫表功成鈞天金石響洞庭絃管清  
八音動繁會九變叶希聲和雲留睿賞薰風悅聖情  
盛烈光韶護易俗邁咸英竊吹良無取率舞抃輕生

行經太華

紛吾世網暇靈岳展幽尋寥廓風塵遠杳冥川谷深  
山昏五里霧日落二華陰踈峯起蓮葉危塞隱桃林  
何必東都外此處可抽簪

夜宿荒村

綿夕漏深客恨轉傷心撫弦無人聽對酒時獨斟



故鄉萬里絕窮愁百慮侵秋草思邊馬遶枝驚夜禽  
風度谷餘響月斜山半陰勞歌欲叙意終是白頭吟

王澤嶺遭洪水

地籟風聲急天津雲色愁悠然百川消俄爾萬頃浮  
還似金堤溢翻如碧海流驚濤遙起鷺迴岸不分牛  
徒知懷趙景終是倦陽侯木梗誠無托蘆灰豈暇求  
思得乘槎便蕭然河漢遊

南隱遊泉山

名山狎招隱俗外遠相求還如倒景望忽似閬風遊

臨崖俯大壑披霧仰飛流歲積松方偃年深椿欲秋  
野花開石鏡雲葉掩山樓何須問方士此處即瀛洲

登白馬山護明寺

名岳標形勝危峯遠鬱紆成象建環極大壯闡規模  
層臺聳靈鷲高殿邇陽烏暫同遊閬苑還類入仙都  
三休開碧題萬戶洞金鋪攝心磬前禮訪道握中虛  
遙瞻盡地軸長望極天隅白雲起樑棟丹霞映拱櫺  
露花疑濯錦泉月似沉珠今日桃源客相顧失歸途

送蔡君知入蜀



金陵已去國銅梁忽背飛失路還相送他鄉何日歸  
靈關九折險蜀道二星遙乘楂若有便希泛廣陵潮  
賦得華亭鶴  
華亭失侶鶴乘軒寵遂終三山凌苦霧千里激悲風  
心危白露下聲斷綵弦中何言斯物變翻復似遼東

賦得涉江採芙蓉

蓮舟泛錦磧極目眺江干沿流渡楫易逆浪取花難  
有霧疑川廣無風見水寬朝來採摘倦詎得久盤桓

沈君道

侍皇太子宴應令

副君監撫暇禁苑暫停車水落金沙淺雲高玉葉疎  
隨厨白羽駕逐釣紫鱗魚飽德良無已榮陪終宴餘  
賀啟

奉和九日

商飈凝素籥玄覽賁黃圖曉霜驚斷鴈晨吹結栖鳥  
寒花低岸菊涼葉下庭梧澤宮申舊典相圃叶前模  
玉砌分雕戟金溝轉鏤衢帶星飛夏箭映月上軒弧



慶展簪裾洽恩榮雨露濡天文發丹篆寶思掩玄珠  
承歡徒聳忭負弛竊忘軀

孫萬壽

行經舊國

蕭條金闕遠悵望羈心愁舊邸成三逕故園餘一丘  
庭引田家客池泛野人舟日斜山氣冷風近樹聲秋  
弱年陪宴喜方茲更獻酬修竹慚詞賦叢桂且淹留  
自忝無員職空貽不調羞武騎非吾好還思江漢遊

早發揚州還望鄉邑

鄉關不再見悵望窮此晨山烟蔽鍾阜水霧隱江津  
洲渚斂寒色杜若變芳春無復歸飛羽空悲沙塞塵

東歸在路率爾成詠

學宦兩無成歸心自不平故鄉尚千里山秋猿夜鳴  
人愁慘雲色客意慣風聲羈恨雖多緒俱是一傷情

遠戍江城寄京邑親友

賈誼長沙國屈原湘水濱江南瘴厲地從來多逐臣  
粵余非巧宦少小拙謀身欲飛無假翼思鳴不值晨  
誰言載筆士翻作負戈人飄颻如木偶棄置同芻狗



失路乃西浮非狂亦東走晚歲出函關方春度京口  
石城臨虎據天津望牛斗牛斗盛妖氛梟獍已成群  
郗超初入幕王粲始從軍裹糧楚山際被甲吳江濱  
吳江一浩蕩楚山何糾紛驚波上濺日喬木下臨雲  
繫越恒資辨喻蜀幾飛文魯連惟救患唐彬不競勲  
羈遊歲月久歸思常搔首非關不樹萱豈爲無杯酒  
數載辭鄉縣三秋別親友壯志後風雲衰鬢先蒲柳  
心緒亂如絲空懷疇昔時昔時遊帝里弱歲逢知己  
旅食南館中飛蓋西園裏河間本好書東平惟愛士

英辨接天人懽娛承帝子

一作清言  
洞名理

鳳池時寓直麟

閣常遊止勝地盛賓僚麗景相携招舟泛昆明水騎  
指渭津橋袂除臨灞岸供帳出東郊宜城醞始熟陽  
翟曲新調遶樹烏啼夜雒麥雉飛朝細塵梁下落長  
袖掌中嬌晉連三雅至懷抱百憂銷夢想猶如昨尋  
思久寂寥一朝牽世網萬里逐波潮迴輪常自轉縣  
旆不堪搖山川視襟帶鄉關白雲外迴首望孤城愁  
人益不平華亭宵鶴淚函谷早鶯鳴斷絕心難續悄  
况魂屢驚群紀通家契鄒魯故鄉情倘值南飛鴈時



能訪死生

答陽世子

大華五千仞長河九萬里山川每蘊玉人物多君子  
丞相朝所宗太尉國之紀若人惟傑出濟世承餘祉  
趨庭遵教義博物兼文史奇聲振宛洛雅論窮名理  
伊余苦疲病寂寞罕賓遊不言驅駟馬於馬訪一丘  
縞紵始云贈膠漆乃相投伏枕空長想驟蹇遂無由  
忽此承來翰華藻殊輝煥雖則濫吹噓可以蠲憂歎  
懷袖終不滅掌握方留翫和風初應律山鶯已復新

芳菲徒自好節物不關人勞歌雖有曲無以報陽春

奉詔和張丞於江都望京口

回首觀濤處極望滄海湄流波無限去喬木不勝悲  
蓬萊雖已變池塘尚所思歸飛路窮此悵望情難持  
吾生乃民季疇日佐藩維尚想西園夕猶懷北固時  
城邑纔辨處風煙忽何之跂予未能已顧嘆空遲遲

贈別

昔我遊雲閣及爾諺同官高步參師友長裾接綺紈  
索居方十載相思勞萬端不言今夕遇得盡故人歡



酒隨彭澤至琴即武城彈高齋屏餘熱珍簞宿輕寒  
葉落霜威重冀踈月色殘將歸動離恨彌傷行路難

庭前枯樹

當時金谷裏昔日平陵東布葉俱承露開花共待風  
搖落一如此容華遂不同庭前生意盡井上蠹心空  
匠者無勞顧擁腫難爲功

王賈

雨晴

初晴物候涼夕景照山莊殘虹低飲澗新溜上侵塘

風度蟬聲遠雲開鴈路長

卧疾閩越述淨名意

客行餘萬里眇然滄海上五嶺常炎鬱百越多山瘴  
兼以勞形神遂此嬰疲恙桐雷邈已遠砭石良難訪  
抱影私自怜霑襟獨惆悵毗城有長者生平夙所尚  
復藉大因緣勉以深迴向心路資調伏於焉念實相  
水沫本難摩乾城空有狀是生非至理是我皆虛妄  
求之不可得誰其受業障信矣大醫王茲力誠無量

西園遊上才



西園遊上才清夜可徘徊月桂臨樽上山雲影蓋來  
飛花隨燭度踈葉向帷開當軒顧應阮還覺賤鄒枚

驄馬驅

當作白馬篇

白馬黃金鞍蹀躞柳城前問此何鄉客長安惡少年  
結髮從戎事馳名振朔邊良弓控繁弱利劍揮龍泉  
披林扼雕虎仰手接飛鳶前年破沙漠昔歲取祁連  
折衝摧右校塞旗殪左賢虎彌還謝力慶忘本推僊  
海外平遐險來庭識負褰三韓勞薄伐六事指幽燕  
良家選河右猛將征西山浮雲屯羽騎蔽日引長旂

自矜有餘勇應募忽爭先王師已得雋夷首失求全  
鼓行徇玉檢乘勝蕩朝鮮志勇期功立寧憚微軀捐  
不羨山河賞唯希竹素傳

阿那瓌

聞有匈奴主雜騎起塵埃列觀長平坂驅馬渭橋來

燉煌樂二首

長途望無已高山斷復續意欲此念時氣絕不成曲

又

極目眺修途平原忽超遠心期在何處望望崦嵫晚



廣陵行

廣陵寔佳麗隋季此為京八方稱輻輳五達如砥平  
大旆映空色笳簫發連營層臺出重霄金碧摩顛清  
交馳渡水轂迴接浮雲靄青樓旭日映綠野春風晴  
噴玉光照地噸蛾價傾城燈前互巧笑陌上相逢迎  
飄飄翠羽薄掩映珠襦明蘭麝遠不散管絃閒自清  
曲士守文墨達人隨性情茫茫竟同盡冉冉將何營  
且申今日歡莫務身後名肯學諸儒輩書窓誤一生  
棗下何慕慕

初黃知節變草綠識春歸復道含雲影重簷照日輝

又

御柳長條翠宮槐細葉開還得聞春曲便逐鳥聲來

酬陸常侍

相知四十年別離萬餘里君留五湖曲予去三河涘  
寒松君後凋溺灰余僅死何言西北雲復覲東南美  
深交不忘故飛觴敦燕喜贈藻發中情奇音邁流徵  
追惟中歲日於此同憇止思之宛如昨儵焉逾二紀  
疇昔多朋好一旦埋邁一作蒿里無人莫已知有慟傷



知已把臂還相泣，歸然吾與子。霑襟行自念，哀哉亦已矣。吾歸在漆園，著書試詞經一作理勞息。乃殊致存，一作寧異軌。大路不能遵，咄哉情可鄙。

### 答賀屬

外黃初邸客，蜀郡晚琴聲。本欲從張耳，何曾說馬卿。定知遊道日，非是第如行。高文擬雜珮，善謔間瑤瓊。前書言家室，末叙挂簪纓。問仁寧伐國，揚波豈亂清。聞有陽臺客，一作常留入愛夢。一作情無由嗟獨割。空引助庖名。

### 別周記室

五里徘徊鶴三聲，斷絕援何言俱失。路相對泣離尊，別意悽無已。當歌寂不喧，貧交欲有贈。掩涕竟無言，送周員外充戍嶺表賦得鴈。

旅鴈別衡陽，天寒關路長。行斷由驚箭，聲嘶為犯霜。惟繳無人憫，能鳴反自傷。何如侶汎汎，刷羽戲方塘。  
紀遼東

遼東淇水事龔行，俯拾信神兵。欲知振旅旋，歸樂為聽凱。歌聲十乘元戎纜，渡遼扶滅已。冰消詎似百萬



臨江水按轡空迴鑣天威電邁舉朝鮮信次即言旋  
還笑魏家司馬懿迢迢用一年鳴鑿詔蹕發洧潼合  
爵及疇庸何必豐沛多相識比屋降堯封

言反江陽寓目灞浹贈易州陵司馬

遊人賣藥罷徐步反江干行吟灞陵岸迴首望長安  
晨華照城闕參差復鬱盤千門含日麗萬雉映霞丹  
雲承雨露掌吹動相風竿遊童輕薄少鮮服鷄鷄冠  
花開傳粉晏塵起副車韓屢投雙飛劍曾操兩色丸  
挂玉要遊女彈珠落矯韓信美非吾樂何事久盤桓

欲動南征詠還謠北上難眷言思舊友德遠路漫漫  
燕陲望楚服天際與雲端棹發吳濤上荆歌易水寒  
十年阻風月萬里別金蘭心期竟何許懷抱日摧殘  
容華冉冉謝衣帶朝朝寬威憲寧延壽劉琨自少懽  
宿昔君取舍同波豈異瀾贈言不盡意擲筆起長歎

六朝詩彙卷之一百十一



公府將軍次一百一十

公府將軍次一百一十

公府將軍次一百一十

公府將軍次一百一十

公府將軍次一百一十

公府將軍次一百一十

公府將軍次一百一十

公府將軍次一百一十


公府將軍次一百一十

六月廿七日



本草綱目卷之十二

六月時氣卷之十二





清管調絲竹朱弦韻雅琴八行陳樹羽六德審知音  
至道兼韶護充庭摠韎任高天度流火落日廣城陰  
百神諧景福萬國仰君臨大樂非鍾鼓且用戒民心

明君詞

昔聞別鶴弄已自軫離情今來昭君曲還悲秋草并  
門有車馬客五言

門前車馬客言是故鄉來故鄉有書信縱橫印檢開  
開書看未極行看屢相識借問故鄉人潺湲淚不息  
上言離別久下道望應歸寸心將夜鵲相逐向南飛



長安道

長安狹斜路縱橫四達分車輪鳴鳳轄箭服耀魚文  
五陵多任俠輕騎自連群少年皆重氣誰識故將軍

入塞

桃林千里險候騎亂紛紛問此將何事嫖姚封冠軍  
回旌引流電歸蓋轉行雲待任蒼龍傑方當論次勲

王脊

七夕

天河橫欲曉鳳駕儼應飛落月移粧鏡浮雲動別衣

懽逐今宵盡愁隨還路歸猶將宿昔淚更上去年機

庾自宣

初發東都應詔

二龍承玉軸萬騎翊林塘縱觀此何事巡駕幸淮揚  
伊雒山川轉江河道長照日秋原淨分花曲水香  
稻梁叨歲月羽翮仰恩光後塵歸舊里還如仙鶴翔

王衡

翫雪

寒庭浮春暮一作雪疑從千里來皎潔隨處滿流亂逐



風迴壁臺如始構瓊樹似新栽一作栽不待陽春節誰將競落梅

諸葛穎

賦得微雨東來應教

微雨闇東峰散漫洒長松澗滿新流濁山霑積翠濃  
風起還吹燕雲來本送龍登年隨玉燭名山定可封

奉和月夜觀星

窈窕神居遠蕭條更漏深薄烟淨遙色高樹肅清陰  
星月滿茲夜燦爛還相臨連珠欲東上團扇漸西沉

澄水涵斜漢修樹隱橫參時聞送籌柝屢見繞枝禽  
聖情記餘事振玉復鳴金

春江花月夜

張帆渡柳浦結纜隱梅洲月色含江樹花影覆船樓

奉和出穎至淮應詔

涉穎倦紆迴浮淮欣迥直遙村含水氣遠浦澄天色  
靈濤稍欲近仙巖行可識玄覽屬睿辭風雲有餘力

蕭琮

奉和月夜觀星



陽精去南陸大一作耀始西流夕風淒謝暑夜氣應  
新秋重門月已映巖城漏漸脩臨風出累榭度月蔽  
層樓靈河隔神女仙轡動星牛玉衡指棟落瑤光對  
幌留徒知仰閭闔乘槎未有由

素慶

奉和月夜觀星

六龍初匿景顧免始馳光戌井傳宵漏山庭引夕涼  
宸居多勝託閑步出琳堂爛爛星芒動耿耿清河長  
清道馳天駟北極轉文昌喬枝猶隱畢絕嶺半侵張

仰觀留玉裕睿作動金相無庸徒抱寂何以繼連音

平臺尹式

送晉熙公

太行君失路扶搖我退飛無復紅顏在空將白首歸  
色移三代服塵化兩京衣道窮方識命事去乃知非  
西候追孫楚南津送陸機雲薄鱗逾細山高翠轉微  
氣隨流水咽淚逐斷絃揮但令寸心密隨意尺書稀

林葉別送常侍

遊人杜陵北送客漢川東無論去與住俱是一飄蓬



秋髮含霜白衰顏倚酒紅別有相思處啼鳥雜夜風

柳莊民楚常詩

京國京水劉生

座驚稱字孟豪雄道姓劉廣陌通朱邱大路起青樓

要賢驛已置留賓轄且投光斜日下霧庭陰月上鈎

太卜薛昉

巢王座韻得餘字

平臺愛賓友逢掖齒簪裾藉卉懷春暮開襟近夏初

嫩枝猶露鳥細藻欲藏魚舞袖臨飛閣歌聲出綺疏

莫慮歸衢晚馳輪待興餘

劉斌

詠山

雪山峙千仞蔽日且嵯峨紫蓋雲陰遠香爐烟氣多

石梁高鳥路瀑水近天河欲知聞道里別自有仙歌

和許給事傷牛尚書

名臣不世出百工之所求况乃非常器遭逢興運秋

符彩照千里銓衡綜九流經綸資博物樽俎寄皇猷

韶護傾復理典禮紊還修雖貞棟梁任兼好藝文游



行聞和鼎實行當奉介丘高衢翻稅駕闕水遽遷舟  
傳呼更何日曳履聞無由歸寬藐修路征棹艤邪溝  
林薄長風慘江上寒雲愁夜臺終不曙遺芳徒自留  
送劉員外同賦陳思王詩得好鳥鳴高枝  
春林已自好時鳥復和鳴枝交難奮翼谷靜易流聲  
間關纔得性繒繳遽相驚安知背飛遠拂霧獨晨征

文中子王通

東征歌 雜體

隋仁壽中文中子西遊長安見文帝奏

太平十有二策帝下其議於公卿公卿  
不悅文中子知謀之不用作東征之歌  
而歸帝聞而再徵之不至

我思國家兮遠遊京畿忽逢帝王兮降禮布衣遂懷  
古人之心兮將興太平之基時異事變兮志乖願違  
吁嗟道之不行兮垂翅東歸皇之不斷兮將身西飛

元行恭

秋遊昆明池

旅客傷羈遠樽酒慰登臨池鯨隱舊石岸菊聚新金



陣低雲色近行高  
鴈影深歎荷瀉園  
露卧柳橫清陰  
衣共秋風冷心學  
古灰沉還似無人  
處幽蘭入雅琴

過故宅

頽城百戰後荒宅  
四鄰通將軍樹已  
折步兵途轉窮  
吹臺有山鳥歌庭  
聒野蟲草深斜徑  
沒水盡曲池空  
林中滿明月是處  
來春風唯餘一廢  
井尚夾兩株桐

康孟

詠日應趙王教

金烏升曉氣玉檻  
漾晨曦先汎扶桑  
海返照蒼華池

洛浦全開鏡衡山  
半隱規相歡承愛  
景共惜寸陰移

陳子良

詠春雪

光映粧樓月花承  
歌扇風欲妬梅將  
柳故落早春中

春晚看群公朝還人爲八韻

遊子惜春暮策杖  
出蒿萊正值康莊  
晚群公謁帝迴  
履度南宮至車從  
北闕來珂影傍明  
月笳聲動落梅  
迎風采眊轉照日  
綬花開紅塵掩鶴  
蓋翠柳拂龍媒  
綺雲臨舞閣丹霞  
薄吹臺輕微寧所  
羨未若反山隈



夏晚尋于政世置酒賦韻  
聊從嘉遁所酌醴共抽簪以茲山水地留連風月心  
長榆落照盡尚柳暮蟬吟一返桃源路別後難追尋  
入蜀秋夜宿江渚

我行逢日暮弭棹獨維舟水霧一邊起風林兩岸秋  
山陰黑斷磧月影素寒流故鄉萬里外何以慰羈愁

上之回

承平重遊樂詔蹕上之回屬車響流水清笳轉落梅  
嶺雲蓋道轉巖花映綬開下輦便高宴何如在瑤臺

遊俠篇

洛陽麗春色遊俠騁輕肥水逐車輪轉塵隨馬足飛  
雲影遙臨蓋花氣近薰衣東郊鬪鷄罷南皮射雉歸  
日暮河橋上揚鞭惜晚暉

新城安樂宮

春色照蘭宮秦女見窓中柳葉來眉上桃花落臉紅  
拂塵開扇匣卷帳却薰籠衫薄偏憎日裙輕更畏風  
讚德上越國公楊素

君侯稱上宰命世挺才英本超騏驥足復蘊風雲情



六朝詩彙卷五  
十一  
攄藻揆錦綺育德潤瑤瓊已踵四知舉非無三傑名  
濟世同舟楫臣政本阿衡雍容入青瑣肅穆侍丹楹  
桂宮擅鳴佩槐路獨飛纓高門羅虎戟綺閣麗彫甍  
金樽酌湛湛歌扇掩盈盈匈奴軼燕薊烽火照幽并  
天子命薄伐受脤事專征七德播雄畧十萬騁行兵  
鴈行蔽虜甸魚貫出長城交河方飲馬瀚海盛揚旌  
拔劍倚天外象犀耀日精彎弧穿伏石揮戈斬妖鯨  
鼓鼙朝作氣刁斗夜偏鳴六郡多壯士三邊豈足平  
嶺雲朝合陣山月夜臨營胡塵暗馬色芳樹動笳聲  
關雲未盡散塞霧常自生川長蔓草綠峯迥雜花明  
小人愧王氏雕文慙馬卿濫此叨書記何以謝過榮  
高山徒仰止終是恨才輕

送別

落葉聚還散征禽去不歸以我窮途泣沾君出塞衣

王由於塞北春日思歸七言

我家吳會青山遠他鄉關塞白雲深為許羈愁長下  
淚那堪春色更傷心驚鳥屢飛恒失侶落花一去不  
歸林如何此日嗟遲暮悲來還作白頭吟



詠妓

金谷多歡宴佳麗正芳菲流霞席上滿迴雪掌中飛  
明月臨歌扇行雲接舞衣何必桃將李別有待春暉

王由禮

驄馬驅

善馬金羈飾躡影復凌空影入長城水聲隨胡地風  
控歛青門外珂喧紫陌中行行苦不倦唯當御史驄

賦得馬援

二帝已馳聲五溪還總兵受詔金鞍動論功銅馬成

唯稱聚米勢無慚蕙苴情雖謝雲臺影猶傳千載名

賦得岩穴無結構

岩間無結構谷處極幽尋葉落秋巢迥雲生石路深  
早梅香野徑清潤饗丘琴獨有棲遲客留連芳杜心

贈俠侶

平生負意氣長嘯且徘徊辯論明秋水命賞陟春臺  
干戈倜儻用筆硯縱橫才置驛無年限遊俠四方來

詠高柳鳴蟬

園柳吟涼久嘶蟬應序驚露下綏恒濕風高翅轉輕



葉疎飛更迥秋深響自清何言枝裏鬢遂入蔡琴聲

夜宿浙江七言

扁舟夜入江潭泊露白風秋氣蕭索富春渚上潮未  
還天姥岑邊月初落煙水茫茫多苦心更聞江上越  
人吟洛陽城闕何時見西北浮雲朝暝深

明餘慶

從軍行

三邊烽亂驚十萬且橫行風卷常山陣笳喧細柳營  
劒花寒不落弓月曉逾明會取淮南地持作朔方城

死鳥

暮空長罷噪箭急不知驚賴餘琴裡曲猶有夜啼聲

袁朗

立秋日

律變新秋至蕭條自此初花酣蓮報謝葉在柳成疎  
淡日非雲映清風似雨餘卷帷涼暗度迎扇暑先除  
草靜多翻燕波澄不露魚今朝散騎省作賦興何如

秋夜獨坐

危絃斷客心虛彈落驚禽故人百慮靜獨夜九愁深



六韋言真卷五  
枯蓬惟逐吹墜葉不歸林如何悲此曲坐作白頭吟

秋日應詔

玉樹涼風舉金塘細草萎葉落商飈觀鴻歸明月池  
迎寒桂酒熟含露菊花垂一奉章臺宴千秋長願斯

和洗掾發城南坂望京邑

二華連陌塞九隴統金方奧區稱富貴重險擅雄強  
龍飛灞水上鳳集岐山陽神臯多瑞跡列代有興王  
我后膺靈命爰求宅茲土宸居法太微建國資天府  
玄風隔黎庶德澤浸區宇醒醉各相扶謳歌從聖主

南登少陵岸還望帝城中帝城何鬱鬱佳氣迺葱葱  
金風凌綺觀璇題敞蘭宮複道東西合交衢南北通  
萬國朝前殿群公議宣室鳴珮含早風華蟬曜朝日  
栢梁宴初罷千鍾歡未畢端拱肅巖廊思賢聽琴瑟  
逶迤萬雉列隱軫千閭布飛甍夾御溝曲臺臨上路  
處處歌鍾鳴喧闐車馬度日落長楸間含情兩相顧  
是月冬之季陰寒晝不開驚風四面集飛雪千里迴  
狐白登廊廟牛衣出草萊詎知韓長孺無復重燃灰

殷英童



採蓮曲

蕩舟無數伴解纜自相催汗粉無庸拭風裙隨意開  
棹移浮荇亂船進倚荷來藕絲牽作纓蓮葉捧成杯  
魯范

神仙篇

王遠尋仙至樂巴訪術迴乘空向紫府控鶴下蓬萊  
霜分白鹿駕日映流霞杯煎金丹未熟醒酒藥初開  
乍應觀海變誰肯畏年頽

孔紹安

結客少年場行

結客佩吳鉤橫行度隴頭鴈在弓前落雲從陣後浮  
吳師驚燧象燕將警奔牛轉蓬飛不息冰河結未流  
若使三邊定富封萬里侯

別徐永元秀

金湯旣失險玉石乃同焚墮葉還相覆落羽更爲群  
豈謂三秋節重傷千里分促離弦易轉幽咽水難聞  
欲識相思處山川間白雲

傷顧學士



迢遰雙嶠道超忽三川湄此中俱失路思君不可思  
遊人行變橘逝者遽焚芝憶昔江湖上同詠子衿詩  
何言陵谷徙翻驚隣笛悲陳根非席卉總帳異書帷  
與善成空說殲良信在茲今日嚴夫子哀命不衰時

應詔詠天桃

結葉還臨影飛香欲徧空不意餘花落翻沉露井中

石榴

可惜庭中樹移根逐漢臣只爲來時晚開花不及春

弘執恭

劉生

英名振關右雄氣逸江東遊俠五都內去來三秦中  
劔照七星影馬控千金驄縱橫方未息因茲定武功  
奉和出穎至淮應制

睿情欣逸賞臨泛入淮淝棹聲喧岸度帆影出雲飛  
清流含日彩奔浪蕩霞輝還如漳水曲鳴笳啓路歸  
和平涼公看趙郡王妓

小堂羅薦陳妙妓命燕秦翠眉凝假黛紅臉自含春  
合舞俱迴雪分歌共落塵齊竽不可廁空願上龍津



段君彦

過故鄣

玉馬芝蘭北金鳳鼓山東舊國千門廢荒壘四郊通  
深潭猶有菊涸井半生桐粉落粧樓毀塵飛歌殿空  
雖臨玄武觀不識紫微宮年代俄成昔唯餘風月同

六朝詩彙卷之一百十二

六朝詩彙卷之一百十二

隋詩

虞茂

四時白紵歌

江都夏

長洲茂苑朝夕池映日含風結細漪坐當伏檻紅蓮  
披雕軒洞戶青蘋吹輕幌芳煙鬱金馥綺簷花簾桃  
李枝蘭苕翡翠恒相逐桂樹鴛鴦恒並宿

長安秋



露寒臺前曉露清昆明池水秋色明  
搖環動珮出曾城鷓鴣弦鳳管奏新聲  
上林蒲桃合縹緲甘泉竒樹上葱青  
玉人當歌理清曲婕妤恩情斷還續  
清蹕臨溟漲巨海望滔滔十洲雲霧遠  
三山波浪高長瀾疑浴日連島類奔濤  
神游藐姑射睿藻冠風騷徒然雖觀海  
何以効涓毫

賦得石

蜀門鬱遐阻燕碣遠參差獨標千丈峻  
共起百重危

鏡峰含月魄蓋嶺逼雲枝徒然抱貞介  
填海竟誰知  
賦昆明池一物得織女石

隔河圖列宿清漢象昭回支機取鯨石  
拂鏡就池灰  
船疑海槎渡珠似客星來所恨雙蛾歛  
逢秋遂不開  
衡陽王齋閣奏妓

金溝低御道玉管正吟風拾翠天津上  
迴鸞鳥路中  
鏡前看月近歌處覺塵空今宵織女見  
言是望僊宮

陳伯材

七夕看新婦隔巷停車



隔巷遙停幘非復為來遲只言更尚淺未是渡河時

潘徽

贈北使

業定三邊靜時和四海敦行人盈禮籍使者接輜軒  
賓榮君享燕客閑我司存既美齊嬰學欣逢鄭產言  
琴酒時歡會篇章極討論迴旌逼隴左返軸指河源  
塞榆行隱路津柳稍垂門日沉山氣合潮落水花翻  
離情欲寄鳥別淚不因猿所可緘懷袖方以代蘭萱

陳政

琴蓋樂圓贈竇蔡三記室入蜀

崑山積良寶大厦構衆材馬卿委官去鄒子背淮來  
風流信多美朝夕豫平臺逸翮獨不群清才復適上  
六輔書推名二江今振嚮英華雖外發磨琢終內朗  
四海奮羽儀清風久播馳沉鬱材難厠青山翻易阻  
迴首望烟霞誰知慕儔侶飄然不繫舟為情自可求  
若奉西園夜浩想北園愁無因逐萍藻從爾泛清流

蘇曼那巨興樂芬輝五關氣山茲未飛琴酒琴韻  
載正山峯遊春早二月

二月詩集卷之三

七



海岳山峯古春阜二月還綠潭漁子釣江樹美人攀  
 弱蔓環沙嶼飛花點石關溪山遊未厭琴酌琴晴灣  
 苦本韋鼎為志感止因亦無因交平燕炎爾之青來  
 歐首望以使長安聽百舌鵬然不樂世南二云今詩英華報長發我報我報我  
 萬里風煙異一鳥忽相驚那能對遠客猶作故鄉聲  
 高天淨秋色長漢轉曦車玉樹陰初正桐圭影未斜  
 翠蓋飛圓影明鏡發輕花再申良表瑞共仰碧暉賒

奉和月夜觀星

旦秋炎氣一作景幕初弦月彩新清風滌暑氣文露淨  
 囂塵蕩霧消輕縠鮮雲卷石鱗休光灼前耀瑞彩接  
 重輪緣情摘聖藻並作命徐陳宿草誠渝濫吹噓偶  
 緝紳天文豈易述徒知仰北辰

江都遇風

逐舞飄輕袖傳歌共繞梁動枝生亂影吹花送遠香  
 樓上起朝粧風花下砌旁入鏡先飄粉翻衫好染香



度舞飛長袖傳歌共繞梁欲因吹少女還將拂大王

奉和幽山雨後應令

肅城隣上苑黃山邇桂宮雨歇連峰翠烟開竟野通  
排虛翔戲鳥跨水落長虹日下林全暗雲收嶺半空  
山泉鳴石澗地籟響巖風

發營逢雨

豫遊欣勝地皇澤乃光天一作油雲陰御道膏雨潤

公田隴麥沾逾翠山花濕更然稼穡良所重方復悅

豐年

春夜

春苑月徘徊竹堂侵夜開驚鳥排林度風花隔水來

凌晨早朝

萬戶宵光曙重簷久霧收玉花停夜燭金壺送曉籌  
日暉青瑣殿霞生結綺樓重門啓應路通藉引王侯

初晴

初日明燕館新溜滿梁池歸雲半入嶺殘滴尚懸枝

秋蟬

垂綏飲清露流響出踈桐居高聲自遠非是藉秋風



奉和獻歲讌宮臣

履端初啓節長苑命高筵肆夏喧金奏重潤響朱絃  
年光催柳色日彩况槐煙微臣同濫吹謬得仰鈎天  
侍宴應詔得前字

芬芳禁林晚容與桂舟前橫空一鳥度照水百花燃  
綠野明斜日青山澹晚烟濫得陪終宴握管類窺天

侍宴歸鴈堂

歌堂面綠水舞館接金塘竹開霜後翠梅動雪前香  
鳥一作鳧歸初可侶鴈起欲分行刷羽同棲集懷恩愧

稻梁

奉和長春宮應令

瑤山盛風樂南皮務逸遊何如事巡撫民瘼諒斯求  
文鶴揚輕蓋蒼龍飾桂舟泛沫縈沙嶼寒澌擁急流  
路指八仙館途經百尺樓眷言昔遊踐廻駕且淹留  
後車喧鳳吹前旌映彩旒龍驂駐六馬飛閣上三休  
調諧金石奏歡洽羽觴浮天文徒可仰何以廁琳球

奉和出穎至淮應制

良晨喜利涉解纜入淮潯寒流泛鷁首霜吹響哀吟



潛鱗波裏躍水鳥浪前沉邗溝非復遠悵望恍宸作

神襟

追從鑾輿夕頓戲下應令

重輪依紫極前耀奉丹霄天經戀神宸帝命扈仙鑣  
乘星開鶴禁帶月下虹橋銀書含曉色金輅轉晨飈  
霧徹軒營近塵暗斗城遙蓮花分秀萼竹箭下驚潮  
撫已慙龍幹承恩集鳳條瑤山盛風樂抽簡薦徒謠

從軍行

烽火發金微連營出武威孤城寒雲起絕陣虜塵飛

俠各吸龍劍惡少縵胡衣朝摩骨都壘夜解合羣圍  
蕭關遠無極蒲海廣難依沙磴離旌斷晴川候馬歸  
交河梁已畢燕山旆欲飛方知萬里相侯服有光輝

又

塗山烽候驚弭節度龍城冀馬樓蘭將燕犀上谷兵  
劍寒花不落弓曉月逾明凜凜嚴霜節冰壯黃河絕  
蔽日卷征蓬浮天散飛雪全兵值月滿精騎乘膠折  
結髮早驅馳辛苦事旌麾馬凍重關冷輪摧九折危  
獨有西山將年年屬數奇



怨歌行

紫殿秋風冷雕甍白日沉裁純悽斷曲織素別離心  
掖庭羞改畫長門不惜金寵移恩稍薄情踈恨轉深  
香銷翠羽帳弦斷鳳凰琴鏡前紅粉歇堦上綠苔侵  
誰言掩歌扇翻作白頭吟

結客少年場行

韓魏多奇節倜儻遺聲利共矜然諾心各負縱橫志  
結友一言重相思千里志綠沉明月弦金絡浮雲纒  
吹簫入吳市擊筑遊燕肆尋源博望侯結客遠相求

少年重一顧長驅背隴頭  
燄燄霜戟動耿耿劍虹浮  
天山冬夏雪交河南北流  
雲起龍沙暗木落鴈行秋  
輕生狗知己非是爲身謀

門有車馬客行

財雄重交結戚里擅豪華  
曲臺臨上路高門抵狹斜  
赭汗千金馬綉轂五香車  
白鶴隨飛蓋朱鷺入鳴笳  
夏蓮開劍水春桃發露花  
輕裙染回雪浮蟻泛流霞  
高談辨飛兔摘藻握靈蛇  
逢恩借羽翼失路委沙泥  
曖曖風煙晚路長歸騎遠  
日衰青瑣第塵飛金谷苑



危弦促住奏巴歛遺簪墮珥解羅襦如何守直道翻  
使谷名愚

出塞

上將三畧遠元戎九命尊緬懷古人節思酬明主恩  
山西多勇氣塞北有遊魂揚桴上隴坂勒騎下平原  
誓將絕沙漠悠然去玉門輕齎不遑舍驚策鷲戎軒  
凜凜邊風急蕭蕭征馬煩雪暗天山道冰塞交河源  
霧鋒黯無色霜旗凍不翻耿介倚長劔日落風塵昏

中婦織流黃

寒閨織素錦含怨歛雙蛾綜新交縷涇經脆斷絲多  
衣香逐舉袖釧動應鳴梭還恐裁縫罷無信達交河

賦得吳都

畫地通淮泗星躔應斗牛玉牒宏圖表黃旗美氣浮  
三分開霸業萬里宅神州高臺臨茂苑飛閣跨澄流  
江濤如素蓋海氣似珠樓吳趨自有樂還似鏡中遊

詠舞

繁絃奏淥水長袖轉迴鸞一雙俱應節還似鏡中看

詠螢



的歷流光小飄飄弱翅輕恐畏無人識獨自暗中明

王績

古意二首

松生北巖下由來人徑絕布葉梢雲烟插根擁崑穴  
自言生得地獨負凌雲潔何時畏斤斧幾度經霜雪  
風驚西北枝電損東南節不知歲月久稍覺枝條折  
藤蘿上下碎枝幹縱橫裂行當糜爛盡坐共灰塵滅  
寧關匠石顧豈爲王孫折威衰自有期聖賢未嘗屑  
寄言悠悠者無爲嗟大耋

又

桂樹何蒼蒼秋來花更芳自言歲寒性不知露與霜  
幽人重其德徙植臨前堂連攀八九樹偃蹇二三行  
枝枝自相糾葉葉還相當去來雙鴻鵠棲息兩鴛鴦  
榮陰誠不厚斤斧亦不傷赤心許君時此意那可忘

採藥遊名山尋蘇仁作

暫出東坡路過訪北巖前蔡經新學道王烈舊成仙  
駕鶴來無日乘龍去幾年三山銀作地八洞玉爲天  
金精飛欲盡石髓溜應堅自悲生世促無暇待桑田



其二

上月芝蘭徑中巖紫翠房金壺新練乳玉釜始煎香  
六局黃公術三門赤帝方吹砂聊作鳥動石試爲羊  
緱氏還程促瀛洲會日長誰知北巖下延首詠霓裳  
結衣尋野路負杖入山門道士信無宅仙人更有村  
斜溪橫桂渚小徑入桃源玉牀塵稍冷金爐火尚溫  
心疑遊北極望似陟西崑逆愁歸舊里蕭條訪子孫

其四

真經知那是仙骨定何爲許邁心常切嵇康命自奇  
桑踈金闕迥苔動石梁危照水燃犀角遊仙費虎皮  
櫻桃聞已種龍竹未經騎爲向天仙道棲遲君詎知

採藥

野情貪藥餌郊居倦蓬葦時時斷障遞往往孤峰逼  
青龍護道符白犬遊山術腰鑣戊巳旦負鍾庚辛日  
龜蛇采二苓赤白尋雙木從容肉作名署預膏成質  
家豐松葉酒器貯參花蜜且復歸去來刀圭輔衰疾

贈學仙者



採藥層城遠尋師海路賒玉壺橫日月金闕斷烟霞  
仙人何處在道士未還家誰知彭澤意更覓步兵邪  
春釀煎松葉秋盃浸菊花相逢寧可醉定不學丹砂

黃頰山

別有清溪道斜亘碧巖隈崩榛橫古蔓荒石擁寒苔  
野心常寂寞山徑本幽迴步步攀藤上飄飄負藥來  
幾看松葉秀頻值菊花開無入堪作伴歲晚獨悠哉  
百年長擾擾萬事悉悠悠日光隨意樂河水任情流

贈程處士

禮樂囚姬旦詩書縛孔丘不如高枕上時取醉消愁

贈李徵君大壽

孔淳辭散騎陸超謝中郎幅巾朝帝罷策杖去官忙  
附車還趙郡乘船向武昌九徵書未已十辟譽彌彰  
副君迎綺季天子送嚴光霸陵幽逕近磻溪隱路長  
編蓬還作室績草更爲裳會稽置樵處蘭陵賣藥行  
著書唯道德聞教止農桑別有懷幽侶由來高尚王  
前年辭厚聘今歲返寒鄉有書橫石架無氈坐土床  
蘭英猶足釀竹實本無糧澗松寒轉直山菊秋自香



管寧存祭禮王霸重朝章去去相隨去披裘驕盛唐

贈梁公

我欲圖世樂斯樂難可常位大招譏嫌祿極生禍殃  
聖莫若周公忠豈踰霍光成王已興誚宣帝如負芒  
范蠡何智哉單舟戒輕裝踈廣豈不懷策杖還故鄉  
朱門雖足悅赤族亦可傷履霜成堅冰知足勝不祥  
我今窮家子自言此見長功成皆能退自古誰滅亡

薛記室收過莊見尋率題古意以贈

伊昔逢喪亂歷數適閏餘豺狼塞衢道桑梓成丘墟

吾及爾皆亡東西各異居爾為背風鳥我為涸轍魚  
逮承雲雷後欣逢天地初東川聊下釣南畝試揮鋤  
資稅幸不及伏臘常有儲散誕時須酒蕭條懶向書  
朽木不可雕短翮將焉攄故人有深契過我蓬蒿廬  
曳裾履一作出門迎握手登前除相看非舊顏對接形  
骸踈追道宿昔事切切心相於憶我年少時携手游  
東渠梅李夾兩岸花枝何扶踈同志亦不多西莊有  
姚徐嘗愛陶淵明酌醴焚枯魚嘗學公孫弘策杖牧  
群猪追念甫如昨奄忽成空虛人生詎能幾歲歲常



不舒賴有北山僧教我以真如使我視聽遺自覺塵  
累祛何事須筌蹄今已得兔魚舊遊倘多暇同此釋

紛拏

歲歲一作感迫

食後

田家無所有晚食遂為常菜剪三秋綠殮炊百日黃  
胡麻山麩樣楚豆野麩方始曝松皮脯新添杜若漿  
葛花消酒毒萸蒂發蒸香鼓腹聊乘興寧知逢世昌  
遊承雲雷在京師故國見鄉人遂以為問

旅泊多年歲忘去不知迴忽逢門外客道發故鄉來

歛眉俱握手破涕共銜盃慙慙訪朋舊屈曲問童孩  
衰宗多弟姪若箇賞池臺舊園今在否新樹也應栽  
柳行踈密布茅齋寬窄裁經移何處竹別種幾株梅  
渠當無絕水石計總生苔院果誰先熟林花那後開  
羈心祇欲問為報不須猜行當驅下澤去剪故田菜

詠妓

妖姬飾淨粧窈窕出蘭房日照當軒影風吹滿路香  
早時歌扇薄今日舞衫長不應令曲誤持此試周郎  
六朝詩彙卷之一百十三



六朝詩彙卷之一百十四

隋詩

竇威

出塞

匈奴屢不平漢將欲縱橫看雲方結陣却月始連營  
潛軍渡馬邑揚旆掩龍城會勒燕然石方傳車騎名

李密

淮陽感秋

金風蕩初節玉露凋晚林此夕窮途士空軫鬱陶心



眺聽良多感慷慨獨沾巾沾巾何所爲悵然懷古意  
秦俗猶未平漢道將何異樊噲市井徒蕭何刀筆吏  
一朝時運合萬古傳名器寄言世上雄虛生真可愧

李那

奉和重適陽關

銜悲向玉關垂淚上瑤臺舞閣懸新網歌梁積故埃  
紫庭生綠草丹墀染碧苔金扉晝常掩珠簾夜暗開  
方池含水思芳樹結風哀行雨歸將絕朝雲去不回  
獨有西陵上松聲薄暮來

徐璧

春燕

春燕今朝至何時發海濱窺簷向人語如說故鄉春

卞斌

觀太常奏新樂

昔人夢上帝尚喜頌鈞天况茲開景業作樂武功宣  
大雅廢還理乘風毀更懸中和誠易擬韶夏詎相沿  
捷爲一作泗濱磬響徹嶰谷管聲傳小臣濫清耳長奉南  
風弦



楊師道

中書寓直詠雨

雲暗蒼龍闕沉沉未開窓臨鳳凰沼颯颯雨聲來  
電影入飛閣風威凌吹臺長簷響奔溜清簾肅浮埃  
早荷葉稍沒新篁枝半摧茲晨悵多緒懷友自難裁  
况復重城內日暮獨徘徊玉階良史筆金馬揆天才  
高薨通散騎復道架蓬萊思君贈桃李於此冀瓊瓌

奉和正日臨朝應詔

皇猷被寰宇端宸屬元辰九重麗天邑千門臨上春

初宵看婚

洛城花燭動戚里畫新娥隱扇羞應慣含情愁已多  
輕啼濕紅粉微睇轉橫波更笑巫山曲空傳暮雨過

春朝閑步

偃沐乘閑豫清晨步北林池塘藉芳草蘭芷襲幽襟  
霧中分曉日花裏弄春禽野迳香恒滿山堦筍屢清  
何須命輕蓋桃李自成陰

奉和春日望海

春山臨渤海征旅輟晨裝迴瞰盧龍塞斜瞻肅慎鄉



洪波迴地軸孤嶼映雲光落日驚濤上浮天駭浪長  
 仙臺隱螭駕水府泛龜梁碣石朝煙滅之杲歸鴈翔  
 北秦非漢后東幸異秦皇奉旌羽林客拔距少年傷  
 電擊驅遼水鵬飛出帶方將舉青丘繳安訪白霓裳  
 和夏日晚景應詔  
 輦路夾垂楊離宮通建章日落橫峯影雲歸起夕涼  
 雕軒動流吹羽蓋息迴塘雜草生還綠殘花踈一作落  
 尚香青嶺類姑射碧澗似汾陽幸屬無為日歡娛方  
 未央

初秋夜坐應詔

王瑄涼初應金壺夜漸闌滄池流稍潔仙掌露方圓  
 鴈聲風處斷樹影月中寒爽氣長空淨高吟覺思寬  
 應詔詠馬

應詔詠巢鳥

清晨控龍馬弄影出花林躡蹠依春澗聯翩度碧潯  
 苔流染絲絡水潔寫雕簪一御瑤池駕詎憶長城陰  
 桂樹春暉滿巢鳥刷羽儀朝飛麗城上夜宿碧林陲  
 背風蔽密葉向日逐踈林仰德還能哺依仁遂可窺



驚鳴雕輦側王吉自相知

賦得坐彈鳴琴

北林鵲夜飛南軒日斜進調絃發清微蕩心祛褊恪  
變作離鴻聲還入思歸引長嘆未終極秋風飄素鬢

隴頭水

隴頭秋月鳴隴水帶關城笳添離別曲風送斷腸聲  
映雪峯猶暗乘冰馬屢驚霧中寒鴈至沙上轉蓬輕  
天山轉羽檄漢地急徵兵陣開都護道劍聚伏波營  
於茲覺無度方度渥胡纓

賦終南山

眷言懷隱逸輟駕踐幽叢白雲飛夏雨碧嶺橫春虹  
草綠長楊路花踈五柞宮登臨日將晚蘭桂起香風

還山宅

暮春還舊嶺徙倚玩年華芳草無行逕空山正落花  
垂藤拂幽石卧柳礙浮槎鳥散茅簷靜雲披澗戶斜  
依然此泉路猶是昔烟霞

詠硯

圓池類璧水輕翰染烟華將軍欲定遠見棄不應賒



詠馬七言

寶馬權奇出未央  
雕鞍照曜紫金裝  
春草初生馳上苑  
秋風欲動戲長楊  
鳴珂屢度章臺側  
細蹠常向濯龍旁  
徒令漢將連年去  
宛城今已馘名王

楊希道

詠琴

久擅龍門質  
孤竦嶧陽名  
齊娥初發弄  
趙女正調聲  
嘉客勿遽反  
繁絃曲未成

詠笙

短長插鳳翼  
洪細摹鸞音  
能令楚妃嘆  
復使荆王吟  
切切孤竹管  
來應雲和琴

詠舞

二八如迴雪  
三春類早花  
分行向燭影  
一種逐風斜  
陳叔達

太廟裸地歌辭

清明既裸鬱鬯惟禮大哉孝思嚴恭祖禰龍衮以祭  
鸞刀斯啓發德朱絃升歌丹陛筵享粢盛堂斟沉齊  
降福襍襍來儀濟濟



州城西園入齋祠社

升壇預潔祀詰旦肅分司達氣風霜積登光日色遲  
農教先入政陽和秩四時祈年服垂冕告幣動寒帷  
瘞地尊餘奠人天庶有資椒蘭卒清酌簠簋徹香其  
折俎分歸昨充庭降受釐方憑知禮節况奉化雍熙

春首

雪花聯玉樹冰彩散瑤池翔禽遙出沒積翠遠參差

初年

和風起天靈嚴氣銷冰井索索枝未柔厭厭漏猶永

自君之出矣

自君之出矣明鏡罷紅粧思君如夜燭煎淚幾千行  
入關詠空鏡臺

即今裝飾瘵彫零衢路間姮娥與明月相共落關山  
後渚置酒

大渚初驚夜中流沸鼓鼙寒沙滿曲浦夕霧上耶溪  
岸廣鳧飛急雲深鴈度低嚴關猶未遂此夕待晨鷄

聽鄰人琵琶

本自龍門祠因妍入漢宮香由羅袖裏聲逐朱絃中



離有相思韻翻將入塞同關山臨却月花蕊散迴風  
為將金谷引添令曲未終

詠菊

霜間開紫蒂露下發金英但令逢採摘寧辭獨晚榮

宮閨

大義公主

書屏風

盛衰等朝露世道若浮萍榮華實難守池臺終自平  
富貴今何在空事寫丹青杯酒恒無樂絃歌詎有聲

余本皇家子飄流入虜庭一朝覩成敗懷抱忽縱橫  
古來共如此非我獨申名惟有明君曲偏傷遠嫁情  
侯夫人

自感三首

庭絕玉輦迹芳草漸成窠隱隱聞簫鼓君恩何處多

欲泣不成淚朝來翻強歌庭花方爛熳無計奈春何

其三

春陰正無際獨步意如何不及閑花草翻承雨露多



粧成多自恨夢好却成悲不及楊花意春來隨處飛  
祕閣肩仙卉雕房鎖玉人毛君真可戮不肯寫昭君  
砌雪無消日捲簾時自顰庭梅對我有憐意先露枝  
頭一點春

其二

香清寒艷好誰惜是天真玉梅謝後陽和至散與群

芳自在春

自傷

初入承明日深深報未央長門七八載無復見君王  
春寒入骨清獨卧愁空房颯履步庭下幽懷空感傷  
平日親愛惜自待聊非常色美反成棄命薄何可量  
君恩竇踈遠妾意徒徬徨家豈無骨肉偏親老北堂  
此方無羽翼何計出高墻性命誠所重棄割良可傷  
懸帛朱棟上肝腸如沸湯引頸又自惜有若絲牽腸  
毅然就死地從此歸冥鄉



張碧蘭

寄阮郎

郎如洛陽花妾似武昌柳  
兩地惜春風何時一携手

蘇蟬翼

因故人歸作

郎去何太速郎來何太遲  
欲借一樽酒共叙十年悲

丁六娘

十索

裙裁孔雀羅紅綠相叅對  
映以蛟龍錦分明奇可愛

粗細君自知從郎索衣帶

其二

為性愛風光偏憎良夜促  
曼眼腕中嬌相看無厭足  
懽情不耐眠從郎索花燭

其三

君言花勝人人今去花近寄  
語落花風莫吹花落盡  
欲作勝花妝從郎索紅粉

其四

二八好容顏非意得相關  
逢桑欲採折尋枝倒嬾攀



欲呈纖纖手從郎索指環

其五

含嬌不自轉送眼勞相望無那關情伴共入同心帳  
欲防人眼多從郎索錦障

其六

蘭房下翠幃蓮帳舒鴛錦懽情宜早暢密意須同寢  
欲共作纏綿從郎索花枕

李月素

贈情人

感郎千金意含嬌抱郎宿試作帷中音羞開燈前目

羅愛愛

閨思

幾當孤月夜遙望七香車羅帶因腰緩金釵逐鬢斜

秦月鸞

憶情人

蘭幕蟲聲切椒庭月影斜可憐秦館女不及洛陽花

僧

法宣



愛妾換馬

朱鬣飾金鑣紅粧束素腰似雲來蹀躞如雪去飄飄  
桃花含淺汗柳葉帶餘嬌騁先將獨立雙絕不俱標  
和平涼公觀趙郡王妓

桂山留上客蘭室命媯妖城中畫眉黛宮內束纖腰  
舞袖風前舉歌聲扇後驕周郎不相顧今日管絃調

釋玄達

戲擬四愁題兩絕

我行之數萬愁緒百重思那教六尺影獨步五天陞

又

上將可陵師足士志難移如論惜短命何得滿長祇

釋智炫

遊三學山

秀嶺接重烟欽峯上半天絕巖低更舉危峰斷復連  
側石傾斜澗回流瀉曲泉野紅知草凍春來鳥自傳  
樹錦無機織猿鳴詎假弦葉密風難度影未穿  
抱裘依閒沼策杖戲荒田游心清漢表置想白雲邊  
榮名非我顧息意且蕭然



榮名無名法師

過徐君墓

延陵上國返枉道訪徐公死生命忽異懽娛意不同

始往邗山北聊踐平陵東徒解千金劍終恨九泉空

日靜荒郊外烟生松栢中何言愁寂寞入暮白楊風

童謡

隋煬帝大業中童謡

桃李子鴻鵠遶陽山宛轉花林裏莫浪語誰道許

迷樓宮女歌


河南楊柳謝河北李花榮楊花飛去落何處李花結

果自然成

六朝詩彙卷之一百十四



天章書局藏



陽湖陶氏  
印

